

# DIPOTŠIŠO LE DIKARABO

Ke a go leboga, Ngwanešu Neville. Ke ya go swanelo go ſikinya seatla sa gago golebjalo. Morena A go šegofatše, Ngwanešu Neville.

Gabotse go lokile kudu go ba morago fa, ebole le ge go fiša. Ke a dumela boka yo mongwe a boletše ka go Testamente ya Kgale: “Ke be ke thabile ge ba rile go rena, A re yeng ntlong ya Morena.”

Gomme bjale, ka nnete ke mantšiboa a go fiša. Gomme go lena baeng ba ba nago le rena, le kgona go bona gobaneng Indiana, go bothata go dula fase mo tikologong ka go se—se serorobja. Ke a le botša, e no ba masomesenyane tharo ka seo, masomesenyane tharo. Kafao, le a bona, ge o etla tlase go e ka ba lekgolo le masomepedi, boka go le ka Louisiana le Arizona, le ka lemoga se e lego sona gona, ka fao ka kgonthe le tsenago ka go . . . Ge seo—seo se be se le fa, re tla no senyega; seo e tla ba sohle. Eupša ke mo go botse go ba mo go bea ka gare nako ye ya go rapela.

<sup>2</sup> Ka morago ga ge ke ile gae mosong wo, ke nno ikwela kgonthe, gabotse ka kgonthe ka . . . Ke a dumela gore ba bantši ba fodišitšwe mosong wo bao—bao ba sa e lemogego, mohlomongwe, go nako ye, eupša ba tla fola; gobane Lentšu la Morena le be le le bohlokwa mosong wo go dipelo tša rena.

<sup>3</sup> Ke be ke no . . . Ge ke thoma go tloga, go be go lebegele o ka re maboto a gabotse a be a hema le—le mohuta wa go lapiša Moya wo Mokgethwa bjalo ka mo. Gomme ke be ke thabetše seo kudu.

<sup>4</sup> Ke be ke ekwa Ngwanešu Smith, mogwera wa ka, a rapela feela dinakwana di se kae tša go feta, modiša wa Church of God, Anderson. Gomme Ngwanešu Smith o na le thereke ye nnyane, ga ke thanke gore re di file ntle mo ka tabarenekeleng. Ge yo mongwe wa lena a se na le thereke ye nnyane yela, le a e bala. Yeo ke thereke ya go makatša ye nnyane; ka go felela ke Therešo ya Lengwalo. Gomme ke tšere bontši bja tšona go ya Chicago le mafelo a go fapano go di phatlalatša, ka gore ka nnete di therešo, thereke ya go makatša. Gomme ke a tseba di ngwadilwe go tšwa pelong ye e botegago gomme e ratago Modimo. Ga go lebakala bojato ka morago ga Ngwanešu Smith, feela bohle Bakriste. Kafao re thabile go amana bošegong bjo le batho ba mohuta woo.

<sup>5</sup> Ke a dumela ke bona mogwera wa ka wa go loka, Ngwanešu Borders fa go tšwa—go tšwa godimo ka California. Gomme o be a—o dirile mošomo wo mogolo go nna feela kgauswana—bakeng sa Morena—godimo ka go—fao—go thoma kopano ya San Jose mmogo. Ke a holofela o tla dira bjalo ka mošomo wo mobotse ka wa go latela o tlago Ngwanešu Borders. Gomme ke rata Ngwanešu Borders, gobane ke hwetša ka go yena wo bonolo,

moya wo boleta. Gomme ke—ke a nagana yeo ke theko ye kgolo. Ke a nagana monna yo a nago le mohuta woo wa moyo o swanetše go thaba kudu.

<sup>6</sup> Go na le ba bantši kudu ba bangwe ka mo, bao ke no se kgonego go bala gore ke bona bomang. Ke bona Ngwanešu Collins morago kua, ngwanaborena, le—le badiredi ba bangwe, le mogwera wa rena wa go loka Ngwanešu Sothmann, lapa la gagwe, go tšwa Leboa la Saskatchewan. Gomme ke a tseba Ngwanešu Evans o mo; ga se ka mmona gabjale, eupša ke bone lapa la gagwe, gomme—go tšwa tlase ka—ka Georgia. Gomme go ne Ngwanešu Palmer fale le—le go tšwa tlase ka Georgia, le—le Ngwanešu West, ke a dumela, go tšwa Alabama goba Georgia. O tšwa kae Ngwanešu West? Ke... Ke... Oo, Huntsville. Gomme ka gona... Oo, re nno thaba go le bona bohole ka mo.

<sup>7</sup> Gomme bjale, Ngwanešu Lyle, morago kua, Wood, go tšwa go—godimo ka leboa la Indiana, le baratwa ba gagwe. Gomme ke a nagana ba ga Ngwanešu Charlie ba mo, modirišani wa ka wa kgale—modirišani motsomi go tšwa tlase ka Kentucky (wa bobedi motsomi yo mokaonekaone wa sehlorana ka Kentucky, wa bobedi motsomi yo mokaonekaone wa sehlorana. O tla ntira ke lefe bakeng sa seo. Go lokile!) le mosadimogatša wa gagwe le lapa. Le go lena bohole, madume a Bokriste.

<sup>8</sup> Ngwanešu yo monnyane fa, ga ke kgone go nagana leina la gagwe—fa, ba go fapania. Eupša bohole le a tseba gore ka kgonthe ke a le thabela go tleng ntle bosegong bjo go rapela le rena ka tabarenekeleng.

<sup>9</sup> Gomme bjale, bosegong bjo ke bošego bja go se tlwaelege ka tabarenekeleng, gobane ke bošego bja potšišo le karabo. Gomme seo ka mehla se tla e ka ba gatee ngwaga wo mongwe le wo mongwe goba ye mebedi. Gomme lebaka le ke dirago seo, ke go boloka ka monaganong se se lego monaganong wa batho, gore ke tsebe feela se dipotšišo tša bona di lego. A yo mongwe le yo mongwe o no lahlela potšišo ka gare, gomme ka gona ka e araba go tšwa sefaleng.

<sup>10</sup> Bjale, ka go ye ke be ke sa hwetše—ke naganne e tla ba go tia kudu, eupša ke na le feela dipotšišo di se kae. Kafao go ka se re tšeetelele go di araba. Ke be ke nagana ke tla ba le threi ka moka e tletše, eupša feela di se nene kudu le bonolo kudu. Eupša tše dingwe tša tšona di amana le dithuto.

<sup>11</sup> Gomme ka go thuto ye ke tla swanela go araba potšišo ya batho ke sa tsebe gore e be e le bomang (gobane ba bantsi ga se ba bea maina a bona go dipotšišo); gomme kagona, ke tla swanela go e araba go ya ka thuto yeo re e emelago kua tabarenekeleng. Gomme ka go dira seo... Gomme ge go ka direga mohuta wa go putla lethale le lennyane go ba bangwe ba baena goba dikgaetšedi tša rena ba ba etetšego, re be re ka se be le seo se diretšwe lefeela. Ga re dumele go e ka ba mang a

nganganago godimo feela dintlha tše nnyane tša Lengwalo. Re dumela gore Kriste o hwile go re phološa bohole, gomme bohole re phološitšwe ka Madi a Gagwe.

<sup>12</sup> Eupša bjalo ka kereke le bjalo ka ba—ba batho, phuthego, re swanetše go ba le thuto yeo re e emelago gore re be ke—ke kereke. Gomme thuto ye re e emelago, ke ye kaonekaone kudu ya tsebo ya rena go Lentšu la Modimo, Therešo ya Modimo. Bjale, o na le tokelo ya go phethagala go e lebelela ka tsela ya go fapano ge o nyaka. Gomme ka fao, ge ke . . .

<sup>13</sup> Yo mongwe o botšiša dipotšišo fa . . . Di se kae tša tšona bokaone di a rotogela. Gomme ke tla araba bjale feela bokaonekaone bjoo ke bo tsebago.

<sup>14</sup> Bjale, tsela še ke lekago go swara potšišo. Potšišo . . . Ge—motho a ka kgona go tsea Lengwalo le tee feela gomme a ka kgona go Le dira le bolele e ka ba eng o nyakago Le bolela. Eupša Lengwalo, Lengwalo le lengwe le le lengwe ke Therešo. Gomme Le phethagetše kudu, go fihla Modimo mohlokamagomo Yo a boletšego Lengwalo, Le phethagetše kudu go fihla Le sa tsoge la ba le bofelo. Kafao kagona, E tla sepela go tloga go Genesi go ya go Kutollo, selo sa go swana. Le ka se tsoge la fapano. Gomme ka gona, ge Beibele e le Lentšu la Modimo le le šušumeditšwego, E ka se tsoge ya kgabaganya Yonamong godimo ga go se be lefelo. E tla ya tsela yohle go kgabola Lengwalo.

<sup>15</sup> Bjale, makga a mantši . . . Bjalo ka ge ke be gabotse ke le yo mošoro gannyane mosong wo go rereng Simisone le Delila le kereke ka go bolefase, eupša ga ke re go ba yo mobe, eupša ke ra go botega, feela ka go botega bjalo ka ge ke—diphenyego tša ka di le.

<sup>16</sup> Bjale, ka Mangwalong, Wona go beng Lentšu la Modimo la go se palelwé, ke a dumela gore go na le selo se tee feela se ka kgonago ka maleba go hlatholla Lengwalo, seo ke, Moya wo Mokgethwa. Ke a dumela woo ke . . . Gomme Moya wo Mokgethwa Wo o ngwadilego Mangwalo, le go re Ga se a tlhathollo ya sephiri . . . Kagona, ge e ka kitima tsela yohle go kgabola Mangwalo, E swanetše go ba Moya wo Mokgethwa wa go swana nako yeo, tsela yohle go kgabola, go Le hlatholla.

<sup>17</sup> Eupša bjale, batho ba bantsi ka dikerekeng tša bona le ditumelo tša bona, ba na le diphapano, se sengwe se sennyane seo ba swarelelago go sona seo se ka no ba go fapano gannyane. Ge ba le, e no e dira boka ke dira ge ke eja phae ya tšheri. Ga se nke ka ja peu. Ge ke hwetsa peu, ke no lahlela peu ntle gomme ka tšwelapele go ja phae. Kafao seo ke se o se dirago.

<sup>18</sup> Ke bona Kgaetšedi wa rena Wooten o na le lesea la gagwe le lennyane o eme kua. Ge a fiša, Kgaetšedi, gomme ga o ne setulo, ke a makala ge eba yo mongwe wa baena ba rena a ka se tšee setulo go tšwa ka gare le go se bea morago fale hleng le fene gore Kgaetšedi a kgone go ba le lefelo la go fola go dula fase. Re tla

thaba go dira seo, ke na le nneta, yo mongwe wa banešu ba . . . Fene morago fale, Kgaetšedi, thwi—e fokela ka tsela ye gomme go ne setulo. Ge o nyaka go se šomiša, o no ya pele thwi.

<sup>19</sup> Bjale, e ka ba mang wa lena baena yoo a dumago go apola dijase tša lena, nno yang pele thwi, itireng lena beng go ikwela gabotse le go thaba.

<sup>20</sup> Bjale, ke ya go kgopela mmele, gore ge ba ka nthapelela. Beke ye e latelago ke swanetše go ya California, tsela yohle godimo kua, bošego bjo botee bja tirelo. Feel a bošego bjo botee go rera ka go Khonferense ya Banna ba Kgwebo ba Bakriste. Eupša ba e kwalakwadičše, gomme re letetše dikete tše dintši tša batho go ba fale. Gomme nka se nyake go ba nyamiša. Gomme ke ba boditše ke tla tla ge nkabe ke tla be ke se ka Australia ka nako ye, yeo ke bego ke beakanyeditšwe go ba. Kafao re rapedišeng.

<sup>21</sup> Gomme yo mongwe wa lena baeti ba go ratega ba lefase le le lego maikhutšong a lena go tšwa go mošomo wa lena wa tšatši ka tšatši gomme le ka rata go ba ka go ye nngwe ya dikopano, go tla ba le tirelo ya matšatši a mararo ka Cleveland, Tennessee, Church of God. Ke a nagana yeo ke Pentecostal Church of God, mosepelo wa Tomlinson. Ngwanešu Littlefield, David Littlefield, ke modiša, mokgomana yo mokaone kudu wa Mokriste. Yena ke Moyankee go tšwa Leboa, go tšwa Bangor, Maine, eupša Mokriste wa kgonthe, ngwanešu yo mokaone.

<sup>22</sup> Gomme kafao, ge o le leetong la gago gomme o ka rata go tla godimo, mohlomongwe Mošupologo bošego e tla ba go gafela ga ye kgolo, tabarenikele ye kgolo ye ba e agilego. Gomme ka gona, Labobedi le Laboraro bošego bja beke ye e latelago, Morena ge a rata—e sego beke ye e tlago ye, beke ye e latelago—e tla ba ditirelo tša phodišo, e tla bago la 6, la 7, le la 8.

Bjale, pele re bula Lentšu, ke tla rata ge re ka inamiša dihlogo tša rena feela nakwana bakeng sa thapelo.

<sup>23</sup> Morena Modimo, Tate yo bohllokwa wa rena bohle, Yo a tlišitšego gape Morena Jesu go tšwa bahung gomme o Mo tlišitše go rena ka sebopego sa Moya wo Mokgethwa. Ka morago ga go bapolwa, go hwa, go bolokweng, go tsoga ka letšatši la boraro, le go rotogela ka letagong, moo bjale a dutšego ka seatleng se setona sa Bogoši godimo, a phela ka mehla go dira poelano, Moprista yo Mogolo yoo a kgonago go kgwathwa ke maikutlo a mabofokodi a rena le go tseba ebile thaga ye nnyannyane yeo e tla welago mokgotheng, A ka tsoge a kgonago bjang feta botshepegi bja bana ba Gagwe ba dutšego bosegong bjo ka moagong wo wa go fiša go no kwa Lentšu. Ke na le nneta, Morena Modimo, ge re be bile re sa kgopele, gore O tla tšollela ntłe ditšhegofatšo tša Gago godimo ga bona bakeng sa bogale bja bona bja go ema ka lefelong la bona la mošomo bosegong bjo.

<sup>24</sup> Go na le baeng mo, Morena; re a ba rapelela le dikerek e tša bona. Go na le badiredi ba ba beilwego ba Ebangedi—

ba ba beilwego ke Modimo—ba ba dutšego ba le gona, ba ba lekanetšego kudu go araba dipotšišo tše go feta nna. Gomme ke a rapela, Morena Modimo, gore O tla dumelala Moya wo Mokgethwa go tla go rena bošegong bjo le go re fa dilo tša maleba go di bolela, wo o tla tlišago thabo ya go se bolelege le go tlala letago go dipelo tša rena ge re dutše mmogo ka mafelong a magodimong ka go Kriste Jesu, go ithuta Mangwalo ntle le go ahlola, ntle le maikutlo a itšego a go babja, eupša feela go tseba se e lego Therešo le go rapela Therešo. E fe, Morena.

<sup>25</sup> Re tla kgopela go šegofatša Modiša morategi wa rena, Ngwanešu Neville, yo a emego ka bogale mo lefelong la mošomo ngwaga ka morago ga ngwaga go kgabola phišo le go tonya go diša le go diša dinku tša mohlape wo o kgobokanego mo. Rapela gore Moya wa Gago o be godimo ga gagwe, mo thuše. Gomme šegofatša bohole bao ba kgokaganego le tabarenekele. Gomme ka pela, Morena, ge e le thato ya Gago, re letela ya go ratega, tabarenekele ye kgolo e eme fa mo khoneng moo re ka bago le sekolo, gore re ke re tsenye badiredi ba baswa sekolo le go ba romela dikhutlong tše nne tša lefase ka tiisetšo go hlabanelia tumelo yeo e kilego ya fiwa bakgethwa.

<sup>26</sup> Morena, re a tšofala, nnamong, gomme ka pela ke swanetše go fetišetša Beibele morago ka diatleng tša yo mongwe gape. Re thuše, Morena, ka go matsapa a. Araba dipotšišo tša rena bošegong bjo ka Moya wo Mokgethwa, ge re tshepela go Yena, ka gore re e kgopela ka Leina la Jesu Morwa wa Gago. Amene.

<sup>27</sup> Bjale, ke a tseba go fiša gampe, eupša ga nke ka rata go feta ka potšišo go fihlela ke nagana ke dirile feela pele ga Modimo go e araba. Bjale, ga re ne bontši kudu; ga se nke ka tsoge ka di bala, feela di—di sego nene kudu. Eupša go ka ba gore re ka no se fihle go tšohle tša tšona, eupša re a nyaka ge go kgonega. Ke ya go kgopela mosetsana yo monnyane yo ka pinki a dutšego fa... Etla fa, Hani. Ke a dumela yoo ke mosetsana yo monnyane wa Ngwanešu Beeler. Ke nyaka o tseele dipotšišo tše tlase kua gomme o no di hlakanya, o tseba se ke se rago, go no kgabaganya ye tee godimo ga ye nngwe, ka mokgwa wo, o a tseba, kafao—morago go di tliša morago go nna. O a bona? Gore ke se hlakanye dipotšišo tša e ka ba mang, le a tseba, ke nagana ke nno araba e tee, gomme ka se ye go ye nngwe; Nka se nyake seo. Ke no dumelala mosetsana yo monnyane a no e hlakanya mmogo, gomme ka gona re tla no tšea tšela thwi go tloga godimo le go di araba ge re etla.

<sup>28</sup> Bjale, ge go ka ba (ke a go leboga, Moratiwa)—ge go ka direga go ba potšišo ka monaganong wa yo mongwe, ke nyaka go bolela, gore ke tla thaba ge ke arabile potšišo ya gago gomme ga e bonale go kgotsofatsa, gona le no phagamiša diatla tša lena ka karabo. Gobane gape ke ne fa Segerike, Sehebereg—bobedi Segerike le Sehebereg ka go pukuntšu ya setlogo, bakeng sa tshedimošo ya

mantšu (le a bona?), gobane ba bangwe ba bona ba botšiša mantšu—Sehebere le Segerike gape.

<sup>29</sup> Gomme bjale, Morena a re thuše ge re araba. Gomme a nke ke e bolele ka go hlaka . . . (A le kgona go nkwa gabotse ka morago, phagamišang diatla tša lena ge le kgona. Yeo e lokile.) A nke ke bolele ka go hlaka bjale, gore go arabeng dipotšišo tše, ga se bakeng sa go ahlola go go itšego, eupša yo mongwe le yo mongwe o elelwa seo ka tabarenekeleng ge go etla ka go thuto, re swanetše go e araba go ya ka diphenyego tša rena mo, e sego go hlakanya dikgopololo tša gago, eupša go—go tliša diphenyego tša rena. Gomme dinako tše dingwe re e kokotela fase gabotse go swinelela. Kafao elelwang, ke feela go e dira kgonthe go barapedi.

**75.** Bjale, ya pele godimo. Oo, ee, ye ke potšišo ye nnyane. Ga se potšišo, ke . . . Gabotse, ke potšišo. **Ke yo mongwe yo a ka ratago poledišanonyakišišo ya sephiri le nna la mathomo la beke.**

<sup>30</sup> Bjale, poledišanonyakišišo yela, ke tla le botša ka fao re dirago seo. Go be go fela re no swara ka go ikgethela *go ka swara, mang pele, yo, yoo*, eupša re ne tshepedišo go yeo. Gomme kagona, go ne batho ba bantši ba ba tlago ka go mothalo wa thapelo, bao mohlomongwe ba fetago go kgabola mothalo wa lebelo, goba go ba le peelano yeo e sa tsebego go dira eng ka yona, gomme gona, ba nyaka go kwa go tšwa go Morena. Bjale, ba na le tokelo ya go phethagala go seo; seo ke se mpho ye ya seprofeto e se filwego, ke bakeng sa seo, morero woo o nnoši.

<sup>31</sup> Ka Beibeleng ge ba be ba nyaka go tseba e ka ba eng, ba ile tlase go baprofeta, gomme ba rapetše le go opela dipina go fihla Modimo a arabile. Gobaneng, Yena ga se Modimo yo a ka fepago sehlopha se tee le go bolaiša sehlopha se sengwe ka tlala. O a swana maabane, lehono, le go ya go ile. Gomme kagona, seo ke se E lego sa sona.

<sup>32</sup> Ka go dipoledišanonyakišišo tše tša sephiri, ge re tše taba, ga ke tsoge ka e tlogela go fihla ke ekwa go tšwa go Modimo ka tsela e tee goba ye nngwe. Di tla ka go nokologa. Ge go tšea dikgwedi tše tshela goba ngwaga, re dula thwi le yona go fihla re eba le O RIALO MORENA. Le a bona? Gomme kagona, ba tla ka go nokologa, gomme go ne dikete di bitša. Eupša re . . .

<sup>33</sup> Letšatši le lengwe ke bile le monna ka fale lebaka—ke a dumela e tla ba dikgwedi ka morago ga dikgwedi monna yo o be a nyakile kolobetšo ya Moya wo Mokgethwa, Mobaptist. Eupša ga se ra mo tlogela a hleophile, go no mo lesa a tle, gomme mafelelong ka mogau wa Modimo go poledišanonyakišišo ya sephiri . . . O nno sepela ka—ka mehla o be a nyaka go bona pono se e bego e le bothata—gomme pono ya ratha, gomme o amogetše Moya wo Mokgethwa a dutše thwi ka setulong sa gagwe.

<sup>34</sup> Ka gona mo—mo Mokatoliki, o sokologile go se kgale, o tlide tlase go tšwa Chicago letšatši le lengwe ye e bego e le go dipoledišanonyakišio tša sephiri—go leka go tsena ka gare—lebaka la bonnyane mengwaga ye mebedi; eupša go poledišanonyakišio ya gagwe ya mathomo, metsotso ye lesometlhano ka kamoreng, Morena o bontšhitše pono, lebaka le tšohle, o utollotše selo ka moka, se a ilego a swanelo go se dira pele a amogela Moya wo Mokgethwa. Le a bona, seo ke se e lego sa sona.

<sup>35</sup> Bjale, ge e ka ba mang nakong efe kapa efe... Ge dipitšo di etla ka gare gomme ba nyaka go bona goba go ba le dipoledišanonyakišio tše, ge ba ka bitša, BUTler 2-1519, ofisi e ka go posetša feela tlwa poledišanonyakišio e ka ba neng. [Nomoro ya mogala e fetotšwe—Mor.] Gomme ka gona, seemo se poledišanonyakišio ya gago e lego bakeng sa sona, kafao ba tla tseba ke nako ye ntsi gakaakang go e beela. Ka gona seo se e dira feela, gomme motho yo mongwe le yo mongwe... Ka gona ge bokaalo bjoo bja nako bo sa lekanele, gona re tla morago go taba yeo gape. E bewa thwi mo rekoteng, gomme re a e boloka go fihla re ekwa go tšwa go Modimo ka pono goba tsela ye nngwe yeo Modimo a bolelago. Kafao ke ka fao dipoledišanonyakišio tša rena di bolokwago.

<sup>36</sup> Kagona, le a bona, ge ke le ka ntle, batho ba nagana dinako tše dingwe, “Ngwanešu Branham, ga o bone batho go lekanel.” O ka se kgone go bona batho le go ba le Modimo ka nako ya go swana. Le a bona? Ke na le yo mongwe ponagalong, gomme ke—ke ka leweng goba felotsoko gape ke a rapela, gomme—gomme...

<sup>37</sup> Ke nyaka go bona se se se bolelago. “Ka go matšatši a mmalwa...ke be ke le godimo le ka ntle...o...” O reng? [Ngwanešu o bolela le Ngwanešu Branham—Mor.] Oo, ee. Oo, ee, ee yo e be e le monna (Gene o nno e bea godimo mo) yeo... Monna o tlide tlase go tšwa Chicago letšatši le lengwe, yo ngaka a bego a nyaka go ripela pelo ya gagwe ntle, le go bula go bona gore molato e be e le eng ka gare. Gomme Moya wo Mokgethwa o utolotše feela tlwa se o bego o le sona, gomme o be a sa hloke go bulwa; o ile a fodišwa. Kafao le a bona, seo se ra bontši. Gomme go le laetsa ka fao e tlago ka go nokologa, ke ile ka letela nnamong karabo go tšwa go Modimo, bakeng sa pono, lebaka la mengwaga ye lesometlhano. Modimo...Gomme ka gona yo mongwe o a tla gomme a ka se swanele go leta metsotso ye meraro. Le a bona? E no ba... Modimo o arabka nako ya Gagwe mong. Ga re E laole, E a re laola.

**76. Bjale, potšišo ya bobedi e robetšego ka godimo ke...  
Ngwanešu Bill, a Morena a ka kgona go šoma ka nna ka phuthegong moo ba sa dumelego go dimpho tša semoya?**

<sup>38</sup> Ga go leina go yona, eupša motho o nyaka go tseba ge e ba Morena a ka šoma ka bona bjalo ka ge ba beilwe semmušo ka phuthegong yeo e sa dumelago go dimpho tša semoya. Ke e belaela kudukudu.

<sup>39</sup> Ke kudu ka go belaela, mogwera morategi, gore Morena a ka kgona go šoma ka thelelo ka wena, gobane o kgokagane magareng ga basedumele, gomme Beibele e rile, “Se ikgoke jokong wenamong le basedumele, eupša tšwela ntle go tloga magareng ga bona, gomme o arogane, go rialo Morena, gona Ke tla go amogela.” Ke a dumela ge o phela ka toropongkgolo, moo go nago le kereke yeo e dumelago go maswao le dimpho tša semoya, gomme o na le tšona dilo di šoma godimo ga ga gago, ke tla ya kerekeng yela moo ba e dumetšego.

<sup>40</sup> Gomme ka gona nka no bolela selo se sengwe, bjalo ka ge ke—ka mehla go fa—nyaka go fa Lengwalo. Ka kgonagalo wena, mogwera morategi, o lekile bokaonekaone bja gago go leka go dira batho ba go dumela, o lekile go ba dira ba dumele, gomme gabonolo ba ka se e dire, mohlomongwe. Ka gona ke ya go go fa Lengwalo gore ke a dumela gore Morena Jesu o tla thabišwa ke rena go feng.

<sup>41</sup> Ge o lekile, ge o boletše le modiša, ge o boletše le ba go fapano gomme ba e hlokologa ka go felela gomme ga ba e dumele, sese se Jesu a se boletšego ka go Mateo 7:6 ka se sebjalo.

*Le se ke la neela se e lego se sekgethwa go dimpša,  
ešita le se lahlele... dipheta tša lena pele ga dikolobe,  
gore di se ke tša di gatakela ka tlase ga maoto a tšona,  
gomme tša retologa... le go le kutologela.*

<sup>42</sup> Kafao ga ke dumele gore ke tla ingwadiša le phuthego ye e sa dumelago ka go Ebangedi ya go tlala ya Morena Jesu Kriste, go dumela gore O be a swana maabane, lehono, le go ya go ile. Ge ke dula ka phuthegong le go Mmona a šoma le go dira feela bjalo ka ge A rile O tla dira, ke a dumela ke tla ikwela tlwa bjalo ka—go lokafatšwa ka go botša batho go tšwela ntle go tšwa magareng ga seo le go le hweletša ke—ke kereke ye botse ye e rerago Mangwalo ohle le go A dumela.

**77. Bjale, potšišo ya go latela ke: A ke therešo gore ga se o phološwe ntle le ge o amogetše Moya wo Mokgethwa?**

<sup>43</sup> Go ka tšea kahlaahlo ya e ka ba diiri tše botse tše tlhano go yeo. Ge o amogela Kriste bjalo ka Mophološi wa gago gomme gona o loketše kolobetšo ka meetseng, ga se ešo wa sokologa; o dumela feela *go ya tshokologong. Phetogo* e ra “go fetolwa.”

<sup>44</sup> Bjale, go dira se go ka lekanelo, Jesu o rile go Petro yo gape a Mo latetšego lebaka la mengwaga ye meraro le seripa... Gomme ka go Puku ya Mateo tema ya 10 Jesu o file Petro maatla kgahlanong le meoya ya ditšhila, go ya ntle le go e rakela ntle, go fodiša balwetši, le go rera Ebangedi. O bile le maatla go dira se. Gomme ka go Mokgethwa Johane 17:17 Jesu o hlwekišitše

Petro ka Therešo, o rile Lentšu e be e le Therešo, gomme O be a le Lentšu. Gomme ka gona ka—pele ga Pentecost O boletše. “Morago ga ge o fetogile, gona tiiša banabeno.” O no ba o tsea dikgato go ya go phetogo bjalo ka ge o dumela le go dira.

<sup>45</sup> Bjale, ke a tseba ba bantši ba lena, bagwera ba ka ba Baptist le Presbyterian, ga ba dumelelane le seo, gobane le boela morago go Lengwalo le... Bjale, fa ke moo ke rego ke swanetše go le kokotela fase. Le a bona? Le boela morago go Lengwalo: Abraham (Baroma 4) o *dumetše* Modimo, gomme ya *balelwā* go yena goba ya *fiwa* go yena go ba toko. Abraham o *dumetše* Modimo, gomme Modimo o mmaletše yona go ba toko godimo ga motheo wa tumelo ya gagwe go dumela. Eupša go netefatša go Abraham, O mo file (go *balelwā*, gore o ile a *balelwā* go tšwa dibeng tša gagwe, ka gona O ile—a mo fa go tšwa dibeng tša gagwe), gobane o be a dumetše, O mo file leswao. Gomme fao ke mo lena, barategi ba ka ba Presbyterian le bagwera ba Baptist, le šitwago go e bona. Le a bona? O mo file leswao la lebollo bjalo ka bohlatse, bjalo ka netefatšo, gore O be a amogetše tumelo ya gagwe ka go Yena. Gomme ke ka lebaka leo Paulo ka go Ditiro 19 o rile go baena bale ba Baptist, ba ba bilego le Apollo bjalo ka modiša wa bona, go dumeleng Ebangedi bjalo ka ge Johane a E rerile, “A le amogetše Moya wo Mokgethwa ge e sa le le dumetše?” Le a bona, ba be ba dumetše eupša ba be ba sešo ba fetoga.

<sup>46</sup> Bjale, re tsea phošo—ka go lentšu la *phetogo* lehono. Re bolela gore monna yo a fetogilego ke monna yo a emišitšego go nwa le se sengwe le se sengwe le go ya kerekeng, goba go tšoena kereke. A ka tšoena kereke, eupša leo ga se leswao o fetogile. Ga se a sokologa go fihla bophelo bja gagwe bja kgale bo hwile, gomme o bolokilwe ka go Kriste, gomme o tsogile le Yena ka tsogong ya boswa bja bophelo, ge Moya wo Mokgethwa o hlotše ka go yena kholofelo ye e phelago ya Bophelo bjo Bosafelego bjo bo tlago feela ka Moya wo Mokgethwa. Le a bona?

<sup>47</sup> Bjale, bjale, ke tsebile Lengwalo le legolo lela, ke a Le šomiša nnamong—ke ne Lona le ngwadilwe fa—Mokgethwa Johane tema ya 5, temana ya 24. Ke Lengwalo le bohlokwa go nna. Ka gore Jesu o boletše se: “Ruri, ruri, Ke re go lena, ‘Yo a dumelago go Nna o na le Bophelo bjo Bosafelego.’” A nke ke le bale, gore ke Le hwetše feela ka phethagalo gabotse. Mokgethwa Johane 5, gomme ke nyaka le theetše sekgauswi bjale ge re eya ka go Lengwalo le, 5 le temana ya 24.

*Ruri, ruri, ke re go lena, Yo a kwago mantšu a ka,  
gomme a dumela go yena yoo a nthomilego, o ne bophelo  
bjo bosafelego, gomme a ka se tle kahlolong; eupša o  
fetile lehung go ya bophelong.*

<sup>48</sup> “Yo a dumelago go Nna.” Bjale, Lengwalo le bolela gore ga go motho a ka rego Jesu ke Kriste feela ka Moya wo Mokgethwa.

Kafao o ka se dumele gore Jesu ke Kriste go fihla o amogetše kolobetšo ya Moya wo Mokgethwa. O no ba o paka goba o bolela se Lengwalo le se bolelago, o bolela se modiša a se bolelago, o bolela se mme a se bolelago, goba moreri tsoko yo mokaone a se bolelago. Eupša ga o se tsebe wenamong go fihla A hlatseditše tsogo ya Gagwe go wena. Ga go motho a ka bitšago Jesu Kriste go fihlela ka Moya wo Mokgethwa.

<sup>49</sup> Kagona, potšišo ke, gore motho o phološitšwe, ke a dumela, ge a lebeletše go leba Khalibari, gomme a ehwa ka go leemo leo. Nnete, ke a dumela o tla phološwa; ke a dumela o tla ya go kgabola ge a be a se ne sebakabotse pele. Eupša go ya ka . . . O boela morago go lehodu le le hwago mo sefapanong. Eupša elelwang, sela e bile sebaka sa gagwe sa mathomo le sa mafelelo. Le na le sona bošegong bjo. Le se ke la leta go fihla nako yeo, ka gore go ka no se be ka tsela yeo le lena. O ka no se be le boipolelo bja mpeteng wa lehu. Ke a le botša, a lokile, eupša ke bontši kudu bja sebaka go leka mahlatse. O se lete go fihla sebakeng sa mpete wa lehu; dira se e be mpete wa gago wa lehu gonabjale, gore o a hwa bjale le go tswalwa gape ka Moya wo Mokgethwa.

Bjale, go potšišo ye e latelago . . . Bjale, ge go na le potšišo go yeo e no phagamiša seatla sa gago. Ke tla thaba go dira bokaonekaone bjo ke kgonago.

**78. A o kgona go hwetša e ka ba kae baapostola ba tšerego Selalelo ka morago ga Pentecost? A Paulo o be a e ra gore batho ga ba hlaologanye Lentšu? Moya wo Mokgethwa o be o le tsela e nnoši ya go rapela Modimo? Ge o tšea beine le magogo, bolwetsi le boroko di wela godimo ga gago?**

<sup>50</sup> Bjale, fa mohlomongwe go lefelo leo ke dumelago motho morategi yoo a botšišitše se ga go pelaelo ka go teba le ka go se, se ba se botšišago, goba ba ka se se botšiše. Gomme ke—wa ka Ngwanešu goba Kgaetšedi, e ka ba mang a bilego, ke e araba feela ka go teba le ka go hlokofala bjalo ka ge o e arabile—goba o e botšišitše.

<sup>51</sup> Ke nyaka lena bjale go phetla le nna go Puku ya Ditiro tema ya 2, gomme le—le thoma ka temana ya 42. Tema ya 2 ya Ditiro, gomme re tla thoma, bjalo ka ge ke boletše, ka temana ya 42.

<sup>52</sup> Bjale elelwang, ga ke dumele gore nka kgona go bolela feela tlwa moo Lengwalo le bolelago gore Paulo o tšere Selalelo, gomme Petro nako yeo a obeletša godimo le go se tšea; eupša ge ba bolela ka phuthego, seo se be se le ka moka, yo mongwe le yo mongwe. Gomme ga ke dumele gore Paulo o tla rera se sengwe le go botša ba bangwe go se dira, seo a ka se se dirego. Kafao ka go Ditiro re hwetša se:

*Gomme bona kgafetšakgafetša ba tia ka go thuto ya baapostola . . . kopanelo, . . . (Šetšang! Ba tšwetšepele, kereke ka moka, mmele.) . . . kgafetšakgafetša ka go tia ka go thuto ya baapostola le ka kopanelong, . . .*

*(le, lekopanyi fao. Le a bona?) . . . le ka go ngwatheng senkgwa, . . . (Seo ke Selalelo.) . . . le ka dithapelang.*

<sup>53</sup> Baapostola, ba ba bego ba le bareri. . . Ba tšwetšepele ka go tia ka go thuto ya bona, ya go ngwathwa ga borotho (Selalelo), le ka kopanelong, le ka thapelo. Gona, ge seo se ripa Selalelo go tloga go baapostola, gape se ripa thapelo go tloga go baapostola. Le a bona? Bjale, a re nong go bala go ya pele. Le a bona?

*Gomme poifo e tlide godimo ga soulo ye nngwe le ye nngwe: gomme matete a mantši le maswao a dirilwe ke baapostola.*

*Gomme badumedi bohle ba be ba le mmogo, gomme ba bile le dilo tšohle go swana;*

*Gomme ba rekišitše dithoto tša bona le dithoto, gomme ba di arolela go motho yo mongwe le yo mongwe, bjalo ka ge motho yo mongwe le yo mongwe a bile le tlhoko.*

*Gomme bona, ba tšwelapele tšatši ka tšatši ka mmero o tee ka tempeleng, . . . (Bao ke baapostola le bohle.) . . . ba ngwatha senkgwa . . . (Selalelo nako le nako ba kopane) . . .*

<sup>54</sup> Yeo e be e le thuto ya baapostola le ya kereke ya pelepele, gore nako le nako ge ba etla mmogo ba tše Selalelo. Nako ye nngwe le ye nngwe! Bjale, ke a tseba lena batho ba Bakriste le yago go Christian Church (kereke ya Campbellite, bjalo ka ge re e tseba, bjalo ka . . . Gobane go ne tše pedi tša tsona, e tee ke Church of Christ, gomme ye nngwe Kereke ya Macampbellite.), le re, “Re se tše Lamorena le lengwe le le lengwe mosong. Re na le Mangwalo godimo ga yona.” Le na le Lengwalo le lekaonana go yona go feta ka mo Tabarenikele ya Branham e dirago. Tabarenikele ya Branham e se tše gatee ka kgwedi. Eupsa Lengwalo ke gore, ka mehla ge le etla mmogo. Yeo ke nnete. Yeo ke nako ye nngwe le ye nngwe.

*Gomme bona, ba tšwetšepele tšatši ka tšatši ka go mmero o tee ka tempeleng, . . . ba ngwatha senkgwa go tloga ntlong go ya ntlong, ba jele dijo tša bona ka thakgalo le botee bja pelo,*

<sup>55</sup> Le a bona, nako le nako baapostola, ba swere dihlopha tše tša thapelo, dikopano ka tempeleng, ntlo go ya ntlong; nako le nako ge ba kopana, ba ngwathile senkgwa, ba tšere Selalelo.

<sup>56</sup> Bjale, Paulo, ka go Bakorinthe ba Pele re tla—re tla kgona gape go bala tema ya 11, moo re šomišago fa bakeng sa Selalelo . . . Nka no e bala gore e kgone go le thuša, Bakorinthe ba Pele tema ya 11. Theetšang Paulo a bolela bjale, temana ya 23.

*Gobane ke amogetše go Morena seo gape ke le filego sona, Gore Morena Jesu bošegong bja go swana . . . a ekilwego o tšere senkgwa:*

*Gomme ge a file ditebogo, o se ngwathile, gomme a re, Tšeang, le je: wo ke mmele wa ka, wo o ngwathwago bakeng sa lena: dirang se go nkgopola.*

*Ka morago ga mokgwa wa go swana gape o tšere senwelo, gomme ge a laetše, a re, . . . (senwelo bjale) . . . Se ke senwelo sa kgwerano ye mpsha ka mading a ka: dirang se . . . , ka mehla ge le se nwa, e be go nkgopola.*

*Ka gore ka mehla ge le ejə senkgwa se, le go nwa senwelo se, le laetše pele lehu la Morena go fihla a etla.*

<sup>57</sup> Le a bona? Ke Selalelo. Ke a lemoga le go dira go dumelana gore mme—mme mmele wa Morena, Lentšu le le phelago, ke Kriste ka Boyena. Eupša tše ke dika go no swana le Kolobetšo, le Go hlapišana maoto, le ditaelo tše dingwe tša Kereke. Eupša Selalelo ka go felela se bohlokwa bakeng sa senkgwa, bjale, senkgwa le beine.

*Le gona mang kapa mang a ka jago senkgwa se, le go nwa senwelo se sa Morena, a sa swanela, . . .*

<sup>58</sup> Bjale, potšišo e botšišitšwe fa: “O tšeа—o tšeа beine le magogo, bolwetši le boroko go wena.” Le a bona, gore . . . ke a dumela gore potšišo ke, gore borapedi bo nnoši bo lego gona bo, bo ka go Moya wo Mokgethwa, go rapela ka Moya wo Mokgethwa. Yeo ke Therešo tlwa. Le swanetše go rapela . . . Thapelo yohle e ka go Moya wo Mokgethwa, gomme Paulo o leka go bolela fa, gore o swanetše go ba ka go Moya wo Mokgethwa pele o dira se goba o ja le go nwa tahlego ka bowena (le a bona?)—pele o dira se, pele ga ge tshepedišo e ntšhetšwa ntle.

<sup>59</sup> Bjale, go thekga seo, ke ne mongwalo fa wa Josephus, moo a tleleimilego gore Bakriste ba pele ka morago ga lehu la—la Jesu, gore ba be ba tšewa go ba makgema, gobane ba tšere mmele wa Morena gomme ba o ja. Gomme ba naganne ba be ba o epollotše, gomme ba o ntšheditše ntle, gomme ba be ba o ripa ka diripana, gomme ba o ja. E lego ba be ba tšeа Selalelo. Le a bona?

Bjale, šetšang, gobaneng Lengwalo le—ka fao Paulo a bolelagoo fa.

*Eupša a nke motho a itekole yenamong, gomme kafao a nke a je go senkgwa, . . .*

<sup>60</sup> Ejang senkgwa. Bjale, ke a tseba Jesu ke Borotho bja Bophelo; yeo ke therešo. Eupša se ke sekа feela boka kolobetšo. Kolobetšo ga e go phološe; kolobetšo e no ba leswao gore o hlatsela phuthego gore o dumela go lehu, poloko, le tsogo ya Jesu Kriste. Ga e go phološe. Meetse a ka se go phološe. Ke tumelo ya gago ye e go phološago. Eupša kolobetšo ke taelo, gomme e swanetše go phethagatšwa, gobane Modimo a ka se re kolobetšwa, gomme morago a retologa gomme a re ga go hlokege go dirwa. Ga a kgone go fa go tšeа Selalelo, le go retologa go

dikologa, le go bolela fale ga go bohlokwa go se tšea. O swanetše go e dira. Ke taelo go ya go ile le Modimo.

*Ka gore yo a jago le go nwa a sa swanelia, o ja le go nwela go lahlwa yenamong, ka ge a sa hlaologanye mmele wa Morena.*

<sup>61</sup> Bjale, le bona fao? E tla thwi morago go Mokriste yo a lekago go tšea Selalelo, yo a sego ka go Kriste, a sa kopanelego ka Moya; ga a swanelia go se tšea. Gomme ge a tšea Šelalelo se, o ja le go nwa tahlego ka boyena, ge a eya ka ntle a kgoga, a aketša, a utswa, a dira bootswa, goba se sengwe go swana le seo, goba a sa phele bophelo bja Bokriste. Gomme batho ba bona mohuta wa bophelo a bo phelago, gomme morago go tleng ka gare, go tšea taelo ye ya lehu le—le mmele wa Kriste, a tšeela ka go yena sekä gore—gore o amogetše Kriste Lentšu ka pelong ya gagwe, le go tšea sekä se ka fale ka morago ga sona, O rile o ja le go inwela go lahlwa yenamong, ka ge a sa hlaologanye mmele wa Morena.

<sup>62</sup> Bjale, feela mo metsotsong e se mekae ke ya go tla go potšišo yeo ya go swana, ge re fihla go yona, ka baka la gore ke tshepedišo ye e swanago ya maroga go Moya wo Mokgethwa. Le a bona? Gobane o ipolela se sengwe, le go bapala karolo ya moikaketši ka sona, mola o se wa swanelia go be o se dira. Go lokile! A nke ke fetše se gona, le a bona, gomme morago re tla ema.

*Ka lebaka le ba bantsi ba a babja le go fokola magareng ga lena, le ba bantsi ba a robala.*

*Ka gore ge re ka ikahlola renabeng, ga ra swanelia go ahlolwa.*

*Eupša ge re ahlolwa, re solwa ke Morena, gore re se tlo ahlolwa le lefase.*

*Kagona, baena ba ka, ge le etla mmogo go ja, letelanang lena seng. (Bjale, šetšang.)*

*Gomme ge mothoe ka ba mang a eja . . . mothoe ka ba mang a swerwe ke tlala, . . .*

<sup>63</sup> Le se ke la tla ka gare . . . ka gore ka go Lengwalo le lengwe mo, ba be ba tliša dijo ka gare, le seno se sentši kudu, le dilo boka tšeо, go fihla ba be ba dira ntlo ya Morena feela le—le lefelo la—la mokete, le go tagwa mo tafoleng ya Morena. Le elelwa seo ka go Puku ya Bakorinthe fa. Ba ile ba tagwa mo tafoleng ya Morena. Eupša Paulo o boletše fa:

*. . . ge mothoe ka ba mang a swerwe ke tlala, a nke a je kua gae; gore le se tle mmogo go go lahlwa. Gomme ka moka ke tla di bea lenaneong ge ke etla. (Le a bona?)*

<sup>64</sup> Bjale ka fao, ke a dumela gore go ja mogogo . . . Bjale, ga ke dumele gore borotho bja koša bo swanetše go beakanywa bjalo ka legogo. Ke a dumela gore e swanetše go ba bjo bokgethwa borotho bjo bo sego bja omelwa, sekai sa borotho bjo bo sego bja

omelwa bjo bo dirilwego ka Egepeta. Gomme ke a dumela gore Madi ga a swanela go ba tšusi ya diterebe, eupša e swanetše go ba beine. Tšusi ya diterebe e a dilafa, le go senyega ge e eba ya kgale. Eupša beine e ba ye kaoneana le go tiatii ge e eba ya kgale; ga e tsoge ya lahlegelwa ke maatla a yona. Gomme Madi a Kriste ga a dilafe le go senyega; ge a eba a kgale, a ba maatlamaatla le bokaonana ge matšatši eya go modumedi. Gomme ke beine ya kgonthe le borotho. Borotho bja selalelo bo swanetše go dirwa ke batho ba ba gafetšwego bonabeng le go ikgafa bonabeng go Modimo.

<sup>65</sup> Ke ile kerekeng gatee moo ba tšerego llofo ye ya kgale ya borotho, moo badiradibe ba rogaka le go ya pele, le ditshila, le go ripa borotho bjola bja kgale le go bo hloma ntle kua ka mohuta tsoko wa tšusi go nwa. Go nna seo e be e le—seo e be e le nyefolo. Ke a dumela e swanetše go no ba tlwa ka tsela ye Lengwalo le rilego e swanetše go ba; e sego go fapano tlhasana e tee go tšwa Mangwalong, dula thwi le Lona.

**79. Potšišo. Bjale! Ngwanešu Branham, a ke therešo gore Sathane o kile a ba Legodimong gomme a lahlwelwa ntle, yena le barongwa ba gagwe ba tla fase lefaseng, goba a ke pono boka Johane a bone mo Sehlakahlakeng sa Patimo? Gobaneng ke botšiša se, ke, ke boditšwe gore e be e le pono.**

<sup>66</sup> Johane o e bone bjalo ka pono, eupša e be e le tiragalo ka kgonthe. Ge le ka phetla go Jesaya 14:12. Bjale, tše di ya ka go nokologa, eupša go nna, tšona ke—tšona ke dithuto. Gomme ke se sengwe seo . . . Mohlomongwe o nagana, “Gabotse, ga ke na tlhoko ya seo bjale.” Le no se tsebe ka fao Moya wo Mokgethwa wola o iphepago ka Lentšu la Modimo. O swanetše go ba le Lentšu go—go iphepa go lona, ka gore Moya wo Mokgethwa o iphepa feela, gomme feela godimo ga Lentšu la Modimo. A le dumela seo? Beibele e boletše bjalo. “Motho a ka se phele ka borotho feela, eupša ka Lentšu le lengwe le le lengwe le tšwelego molomong wa Modimo.” Go lokile! Tema ya 14 ya Jesaya, gomme ke a dumela mo bjale re ya go thoma go temana ya 12. A re baleng bjale ka Lusifa.

*O wele bjang go tšwa legodimong, O Lusifa, . . . (O wele go tšwa Legodimong) . . . morwa wa moso! . . . (Sephedi sa morongwa go tšwa Legodimong.)*

*O wele bjang go tšwa legodimong, O Lusifa, morwa wa moso! o lahletšwe bjang fase mobung, wo o sepetsego—fokodištego ditšhaba!*

*Gobane wena o rile ka pelong ya gago, ke tla rotogela ka legodimong, gomme ke tla phagamisa terone ya ka ka godimo ga dinaledi tša Modimo: ke tla dula gape godimo ga thaba ya phuthego, ka lehlakoreng la leboa:*

*ke tla rotogela godimo ga godimodimo ga maru; ke tla ba boka Yogodimodimo.*

<sup>67</sup> Kafao le a bona e be e se pono. Ka nnete, Lusifa o lahletšwe ntle ga Legodimo.

<sup>68</sup> Bjale, a re phetleng go Testamente ye Mpsha go Luka 10:18, motsotsa feela, le go bona se Jesu a se boletšego. Ka go Puku ya Luka, le na le Dibeibele tša lena bjale, tše di lekago go tla go dipotšišo tše, Luka 10:18:

*Gomme o rile go bona, . . . (Jesu a bolela.) . . . Ke bone Sathane bjalo ka legadima a ewa go tšwa legodimong.*

<sup>69</sup> Le a bona, Sathane o be a le morongwamogolo wa setlogo wa Modimo. O kile a dula ka Legodimong. O kile a ba motho yo mogologolo ka magodimong ka ntle ga Modimo. O be a le monna wa letsogo le letona la Modimo go kopanela, gomme a ikgogomoša ka pelong ya gagwe.

<sup>70</sup> Gomme a yeo ga e no ba tsela ye batho ba fihlago lehono? A nke Modimo a no šegofatša moisa le go bea boitshepo bjo bonnyane ka go yena, gomme o tla ba motsebatšohle. O ya go ba . . . O swanetše go thoma mokgatlo, goba o swanetše go dira se sengwe seo se fapanego. “Gobaneng o wele go tšwa Legodimong, O Lusifa!”

<sup>71</sup> Ke . . . Modimo o na le nako ye thata go leka go hwetša yo mongwe yoo A ka šomago le yena, yo a tla dulago a kokobetše, le boleta, gomme a dula ka lefelong go fihla Modimo a mmitša go dira se sengwe (a le dumela seo? Le a bona?), monna yoo Modimo a ka go mo šegofatša gomme o tla fela a sa ipoloka monna yenamong, e sego go ba morongwa goba modimo. Ka pela ge motho a šegofatšwa le go ba le se sengwe se sennyane se filwego go yena, o nyaka go ba modimo; o nyaka go ba mo—mo morongwa. O nyaka go ba motho tsoko yo mogolo. “Se ke se dirago, se . . . Nna le nna le tša ka . . .” tšohle tše. Woo ke mokgwatebelelo wa go fošagala. Modimo o tsoma yo mongwe yo A ka kgonago go mo šegofatša le go tšhollela ntle ditšhegofatšo, gomme—gomme bontši A šegofatša, monna o tla ba yo monnyane.

<sup>72</sup> Gomme o ka se tsoge wa hwetša bontši bja Modimo go fihla o se selo. O swanetše go ikokobetša wenamong. Yo a tla iphagamišago yenamong, Modimo o tla mo kokobetša. Yo a tla ikokobetšago yenamong, Modimo o tla mo phagamiša. O swanetše go ba yo monnyane pele o ka ba yo mogolo. Gomme o ka se tsoge wa ba yo mogolo ka go wena mong; o tla ba feela yo mogolo bjalo ka ge Modimo a tla ba yo mogolo ka go wena. Le a bona?

<sup>73</sup> Kafao Lusifa o lefaseng lehono o leka go šoma ka kerekeng go phethagatša morero wa go swana wo a o thomilego pele ga motheo wa lefase. Lusifa o ile a ragelwa ka ntle ga Legodimo. Go lokile.

<sup>74</sup> Ke a dumela go na le selo se sengwe godimo mo, Hesekiele tema ya 28, temana ya 12. A re boneng se yeo e se bolelagoo ka go

Hesekiele 28:12. Gomme ke na le nnete gore ka go ithuta se, le go lebelela ka go sona, go bona se O RIALO MORENA, gona re tseba ge eba ka kgonthe o wele go tšwa Legodimong goba ge eba o be a no ba pono—28 le 12. Go lokile. Ke a dumela seo ke se ke se ngwadilego, 28:12. Go lokile. Fa re a thoma.

Bjale, se ke selo se segolo fa; ke duma re ka be re no ba le nako go rera ka sona feels gannyane (le a bona?), ka gore ka kgonthe ke se sengwe.

<sup>75</sup> Bjale, ge ke no swanela go theeng go ye, gore Lusifa ka Legodimong o lekile go iphagamiša yenamong gomme ebile a no ba godimodimo gannyane go feta Molaodi wa gagwe. Gomme o ekile Mikaele, gomme o itiretše yenamong mmušo wo mogolo ka leboa, le go theoga. Bjale, gomme yena le barongwa ba gagwe ba lahletšwe ntle.

Motho o botšištše ka ga Kutollo... Yeo e ka go Kutollo 12, mo Sehlakahlakeng sa Patimo.

Eupša bjale hlokamelang se fa, go temana ya 12, gomme setšang ka fao a dutšego ka mmušong wa motho.

<sup>76</sup> Ke batho ba bakae fa ba kwešišago gore diabolo o laola setšhaba se sengwe le se sengwe ka tlase ga Legodimo? Diabolo o laola United States. Diabolo ke mmušo wa United States. Diabolo ke mmušo wa Jeremane. Ke mmušo wa setšhaba se sengwe le se sengwe ka tlase ga magodimo. Diabolo o laola setšhaba se sengwe le se sengwe, Beibele e re o a dira. Balang Mateo tema ya 4. Ge Sathane a tšeetše Jesu godimo ntlhoreng ya thaba, gomme a Mo laetša mebušo ya lefase, le go e teleima go ba ya gagwe, le go re, “Ke tla go fa yona ge o ka nthapela,” Jesu ga se a ke a re, “O boletsé maaka, Sathane.” O tsebile gore ke ya gagwe. Eupša godimo ka go Puku ya Kutollo, e rile, “Hlalalang, lena magodimo le lena lefase, gobane mebušo ya lefase le e fetogile mebušo ya Morena wa rena le ya Kriste wa Gagwe. Gomme O tla rena mo lefaseng.”

<sup>77</sup> Jesu o tsebile gore ka go Mileniamo gore mebušo yohle le mebušo e tla thubja, gomme O tla ba Modimo le Mmuši godimo ga yona bohle. O tsebile O be a le mojabohwa go yohle ya yona, kafao kagona, O boditše Sathane, “Tloga morago ga Ka, Sathane!” ka gore O tsebile se A bego a swanetše go se dira.

Bjale, theetšang se, Moya wa Morena go moprofeta yo Hesekiele, o bolela, e sego go kgoši ye, eupša go moyo ka go kgoši. Šetšang se bjale.

<sup>78</sup> Le a elelwa mosong wo ge ke le laeditše ka fao ka Mangwalong gore kereke e tlogile go mohlala wa go fošagala ka go tšeа mekgatlo ya motho. Selo sa go swana, Israele e tlogile mohlaleng ka go lahla Modimo bjalo ka Kgoši ya bona gomme ba nyakile Saulo bakeng sa kgoši. Gomme ge Kgoši ya bona ya kgonthe e etla, Jesu, ba be ba sa Mo tsebe, gobane theroy ya Gagwe—ya Gagwe le thuto ya Gagwe e be e fapano kudu kudu

go tloga go dikgoši tša lefase, go fihla ba be ba sa Mo tsebe. Gomme lehono, ge Kgoši ya Kereke, Moya wo Mokgethwa, ge A le mo, gomme O tla ka Kerekeng go dira batho go bopša leswa, go ba fa tswalo ye mpsha, go fapanana kudu go mekgatlo ye le dikerekemaina go fihla ba re, "Jo, seo se lebega boka bapshikologibakgethwa go nna." Le a bona?

<sup>79</sup> Ga se se Le se lebelelago go wena, ke se Lentšu la Modimo le se bolelago ka lona. Lebelelang ka letšatši la Pentecost, seo se be se lebega bjang? Lebelelang dinako tše dingwe ge ba amogetše Moya wo Mokgethwa; go bonagetše bjang? Basadi le banna, kgarebe Maria, le bohole ba bona, ba thekesela boka monna wa go tagwa, go no thekesela, go goelela, dipounama tša go kekeretša, le maleme a mangwe, go tšwelapele boka sehlopha sa diota. Eupša ba be ba ehwa go bonabeng, gomme Moya wo Mokgethwa o be o etla ka go bona. Gomme ba gotteditše lefase la go tsebja. Se re se hlokago lehono ke monna yo a tla hwago ntle go bonabeng, le go bola ntle go bonabeng, le go tšhuma leporogo le lengwe le le lengwe morago, le go neela se sengwe le se sengwe go Kriste.

<sup>80</sup> Šetšang Moya wo Mokgethwa o bolela bjale go diabolo ka go kgoši ye. Lebelelang moisa yo o be a le mang yo a bušago kgoši ye.

Le elelwa se ke se boletšego mosong wo, mosadimogatša wa ka o boletše ka mosadi godimo kua, tšona tšohle sehlopha sa basadi le tšona tša go lebelelega ditšhila, diaparo tša mahlapa? Le a bona? O rile, "Ga se ba swanela go ba le monagano wa bona wa maleba. Mosadi yo a nago le monagano wa gagwe wa maleba a ka se itšweletše yenamong ka mokgwa woo."

<sup>81</sup> Ka re, "Hani, e no ba Moamerika; seo ke phetho. Seo ke setlwaedi mo. Ba tla se dira, ka baka la gore ke setlwaedi." Le a bona, ba ya ka bohlale bja bona. Eupša bohlale bja gago, ge o eya ka hlogo ya gago, o laolwa ke diabolo. Diabolo o tšere hlogo ya motho, Modimo o tsea pelo ya motho. Diabolo o go dira o lebelele se sengwe o ka kgonago go se bona. O re, "Gabotse, yeo ke nnete, go fa mabaka, go e fa mabaka." Eupša Beibele e re dumelela go lahlela go fa mabaka fase, gomme ka tumelo re dumela dilo tše re sa di bonego. Seo ke se Modimo a se dirago ge A etla godimo ga pelo ya motho.

<sup>82</sup> Ka serapeng sa Edene diabolo o tšere hlogo ya motho; Modimo o tšere pelo ya gagwe. Gomme yeo ke terone ya Modimo, moo Modimo a dulago, ka pelong ya motho. Gomme bjale, ge ka bohlale . . . Kgonthé, gona monna goba mosadi yoo a tswetšwego ke Modimo o tla dira boka Mmušo ba tšwago go wona. Haleluya! Seo se tla ntira ke goeletše. Gobaneng? Gobane ge o tseba gore o fetile lehung go ya Bophelong, gobane o hloile sebe, gomme o rata Modimo; gomme o tla ema go sa kgathale ge o ehwa goba o sa hwe. O tla ema gore ke phošo, gomme wa bitša phošo phošo; wa sepela thwi pele ga Modimo. Go laetša gore Moya wa gago,

Bophelo bjo bo lego ka go wena bo tšwa lefelong le lengwe, moo go lego go go kgethwa, le go seka, le bokgarebe, le go se tšhilafatšwe.

<sup>83</sup> Gomme o re, “phodišo Kgethwa?” Nnete! Moya wa ka o tšwa lefelong moo Mofodiši yo Mokgethwa a lego. Re tšwa go naga ya phodišo Kgethwa. Amene!

<sup>84</sup> O re, “O dumela gore Modimo o gona.” Nnete, ke go tšwa nageng moo Modimo a lego gona. Gomme re baeti le basetsebje boka Abraham le Isaka. Ge feelsa go—go alamelwa ke Moya wo Mokgethwa go ba iteile, ba ile go kgabola naga le go ipolela gore ba be ba le baeti le basetsebje. Ba be ba nyaka Toropokgolo ye Moagi le Modiri wa yona e bego e le Modimo. Gomme bjale, ka morago ga ge re na le Bohlatse bja yona go phela ka go rena, ke bontši gakaakang re swanetšego go ba baeti le basetsebje, go sepela go kgabola lefase, go retolla hlogo ya rena go tloga go dilo tše mpe, gobane re ba setšhaba se sengwe, batho ba bangwe. Ka kgonthe!

<sup>85</sup> Bjale šetšang bobe bo laola lefase le bjale, ge re bala go tšwa go Hesekiele 28:12.

*Morwa wa motho, llela go kgoši ya Tiro, gomme o re go yena, O rialo Morena MODIMO; . . . (Bjale šetšang; O bolela le moyo ka go kgoši. Le a bona?) . . . O rialo Morena MODIMO; Wena o tswalela letšatši, o tletše bohlale, . . . o phethagetše ka botse. (Sathane, bonang fale ka fao Sathane a bego a le yo mobotsebotse kudu wa barongwabagolo?)*

*Wena o bile ka Edene . . .*

<sup>86</sup> Bjale le a tseba Kgoši ya Tiro ka nako yeo o be a ka se kgone go ba a bile ka Edene, gobane e be e le mengwaga ye dikete tše nne pele ga fao. Le a bona? “Wena o be o le ka Edene,” Yena o bolela le mang? O bolela le Sathane ka go kgoši yela. Haleluya! Ngwanešu, ke ikwela bodumedi. Ge . . .

<sup>87</sup> Gomme gona, batho ba ba ya go dira eng bao ba rogakago le go dira metlae ka batho ka tlase ga tšhupetšo ya Moya wo Mokgethwa? Ge ba dira metlae ka batho bale ba rogaka Moya wo Mokgethwa wo ka go phethagala go lego go se lebalelwé. Ga o bolele le monna yola, o bolela le Moya woo o sepelago ka go monna yola. Re swanetše go hlomphana seng, le go ratana seng, le go tutuetšana seng, go bolelana gabotse seng sa rena. Seo ke se re swanetšego go se dira.

Bjale theetšang se. Go lokile.

. . . *Wena o tswalela letšatši, o tletše bohlale, . . . o phethagetše ka bobotseng.*

*Wena o be . . . ka Edene, serapa sa Modimo; le matlapa a bohlokwa a be a le seapešo sa gago, saritis, topase, . . . taamane, . . . berile, . . . onike, . . . jaspere, . . . safira, . . .*

*talamatala, . . . khabokele, . . . gauta: . . . mošomo wa dipapetla . . . a di diphaephē di lokišitšwe ka go wena mo letšatšing leo o hlodilwego.*

<sup>88</sup> Lusifa šoo. O kile a dula ka Edene. Bjale, re ya go tla morago go potšišo yeo mo motsotsong, Lusifa ka Edene, gobane re ne peu ya sephente tlase fa felotsoko ye e lego selo sa go tsikinya kudu. Ke naganne ke tla no holofela e ka ba ya mafelelo.

<sup>89</sup> Eupša o be a le, gomme diabolo o ile a ragelwa ka ntle ga Legodimo. Gomme wona morero woo a lekilego go o dira morero ka Legodimong, o tlie thwi tlase mo lefaseng gomme o leka bokaonekaone bja gagwe go phethagatša se a se rerilego. O ya go dikgoši le go babuši, gomme ge a kcona go ba hwetša, ka gona o tla thwi fase kerekeng gomme a hwetša batho—goba a hwetša moreri. Gona go tloga go moreri, o ya thwi ka go phuthego le go tsena ka go phuthego ka tlase ga khuetšo ya go swana, diabolo wa go swana a dira dilo tša go swana. “O a tseba, o Mopresbyterian, o ka se tsoge wa ba mopshikologimokgethwa. Wena o se, seo, goba se sengwe; o ka se kgone go ikgoboša wenamong go ba magareng ga bona. Gobaneng, o tseba bokaonana go feta go dula ka go ye nngwe ya tšona ditabarenekele tše nnyane tša kgale goba dimišeni mokgotheng. Gobaneng, bona batho ba kgaogile hlogo ya bona.” Aowa, ga ba. Aowa, ga ba; ba no ba pelong ya bona; ke phetho. Ga ba kgaoga hlogo ya bona; ba no laolwa ke pelo ya bona. Modimo o phela ka pelong ya bona, gomme ke batho ba moswananoši, boprista bja segoši, ba neela sehlabeled sa semoya; tše ke dikenywa tša dipounama tša bona go fa tumišo go Modimo, ge eba ba ikwela boka yona goba aowa. “Ka dinako ga ke Mmone,” go boletše mongwadi wa pina, “Ke a tshepa le go Mo fa tumišo.”

<sup>90</sup> O re, “Gabotse, ke tla ya kerekeng, gomme ke tla tumiša Morena ge eba ke ikwetše boka yona.” Gabotse bjale, moprista ke wa go dira sehlabeled. Gomme lena, phuthego, le baprista ba bagolo ba Modimo, go dira sehlabeled sa semoya; tše ke dikenywa tša dipounama tša gago go fa theto go Modimo.

<sup>91</sup> O ya tlase le go re, “Gabotse, ge ke ikwetše boka yona, ke tla ya godimo le go paka go yo mongwe.” Gabotse, e dire go le bjalo! Ge o le moprista yo mogolo, ngwanešu, E tuka ka pelong ya gago, ge eba o ikwela go e dira goba aowa. Eya o e dire go le bjalo, ka baka la gore o swanetše go dira sehlabeled, selo se sengwe se se lego bothata go se dira. Eya o e dire go le bjalo, le boprista bja semoya, batho ba bogosi, le efa tumišo go Modimo, gobane Modimo o phela ka pelong ye.

<sup>92</sup> Bjale, ge o le wa Sathane, o ikwela gore o no ba kaonana gannyane go feta legoro leo la batho. Bjale, o ya go tseba bjang ke ofe a rerešago? E tše ka Mangwalo. Ge motho a tswetšwe ke Modimo, o dumela Lentšu le lengwe le le lengwe Modimo a le ngwadilego, le go re O no ba yo mogolo lehono bjalo ka A

kile a ba, gomme Yena ga a tsoge a fetoga, gomme O no swana maabane, lehono, le go ya go ile. Ge a tladičwe ka Moya wo Mokgethwa, o hweditše Moya wo Mokgethwa wa go swana A o filego ka letšatši la Pentecost, le go mo dira a dire ka tsela ya go swana le go dira dilo tša go swana. Ge a tswetšwe ka Moya wa Modimo, Mareka 16, Jesu o rile, "Maswao a a tla latela bona ba ba dumelago." Ke therešo! Kafao o re, "Ke nna modumedi," gomme wona maswao ga a latele, gona ke moitiramodumedi, e sego modumedi.

<sup>93</sup> Go ne magoro a mararo a batho, modumedi, moitiramodumedi, le mosedumele. Gomme ao ke magoro a mararo a nnoši a lego gona. Bontši bja baitirabadumedi; go na le bontši bja badumedi ba kgonthe; gomme go na le bontši bja basedumele. Eupša ge o le modumedi wa kgonthe, Jesu o rile, "Maswao a a tla latela bona bao ba dumelago. Leineng la Ka ba tla lelekela bodiabolo ntle, ba bolela ka maleme a maswa. Ge ba ka gata godimo ga noga (Ngwanešu Evans) e ka se ba gobatše. Ge ba bea diatla tša bona go balwetši, ba tla welwa ke maruru!" Oo, seo e no ba therešo bjalo ka ge Lentšu la Modimo le rereša. Ga re ne taba go tloša e ka ba eng go tloga go Leo. Beibele e boletše gore yo a tla tlošago goba go oketsa go Lentšu le, yo a swanago o tla ntšhwa go tšwa Pukung ya Bophelo, bakeng sa gagwe. Modimo o phethagetše kudu, gore lentšu le lengwe le le lengwe le swanetše go phethagala gomme le swanetše go kitima go tloga go Genesi go ya go Kutollo go swana, lentšu le lengwe le le lengwe, taelo ye nngwe le ye nngwe ya Modimo. Bjale, o ka kgona go Le dira le bolele se sengwe mo le go Le phetla godimo mo.

<sup>94</sup> Ke be ke dutše letšatši le lengwe ka tlase ga mohlare le Ngwanešu Charlie godimo kua le Ngwanešu Wood mo; re be re tsoma tlase ka Kentucky. Re be re tsoma ka raborolo. Gomme ke... Ngwanešu Charlie le Ngwanešu Wood ba thuntše diponagalo tša bona mosong woo. Go e ka ba dijarata tše masometlhano ba be ba itia lefelo e ka ba bogolo bjoo go dikologa, bogolo bjalo ka sehlorana. Ba rile, "Seo se lokile."

<sup>95</sup> Gomme ke ile ntle kua... ke be ke kokotela ditheke go dijarata tše masometlhano. Gomme ke fošitše leihlo la sehlorana le go mo itia fase lerameng. Ke rile, "Seo ga se sa loka; raborolo ya ka e tšwele." Gomme ka gona ke tshwenyegile letšatši lohle. Mantšiboa a go latela ke ile ka gare ka pela. Ke thuntše mapokisi a dikolo. Ke tla... E tla betha feela gannyane nthathana, seripa sa intšhi, go ya go la go ja. Gobaneng, e tla betha sehlorana ka hlongong go le bjalo.

<sup>96</sup> Kafao Charlie le bona, mosong wa go latela ba be ba le godimo fale, gomme dirabarole di no bobola, di no betha dihlorana, gomme nna ke dutše ka morago ga mohlare ke no fogohletša diatla tša ka, ke re, "Oo, bothata ke eng ka raborolo ya ka?" Ke jelwe ke hlong ka nnamong, go fihla ke fihla fase

matolong a ka, ke rile, “Morena Modimo, ga ke tsebe bothata ke eng ka nna. Gobaneng O ntirile, ye nnyane, tlhokofele ya go belaela ya go tšhoga? Gobaneng nka ba se? Go ne bona baisa godimo fale ba thunya dihlorana, feela ka maatla ka moo ba ka go thunya. Ba na le tlhakahlakano ya dihlorana e šetše; gomme ke nna yo, ke dutše ka morago ga mohlare, ke fogohla diatla tša ka, le go makala, ‘Sethunya sa ka—sa ka ga se kokotela theke, ka dijarata tše masometlhano.’” Ke llile, ke dutše fale ka thoko ga kota.

Gomme morago Moya wo Mokgethwa wa tla, e sego ka Segalontšu, eupša ka kutollo, wa re, “Ke go diretše morero woo.”

<sup>97</sup> Gobaneng? Nka se kgone go tše Beibele go bolela se sengwe mo, boka kereke e re, “Moya wo Mokgethwa o be o no ba bakeng sa sehlopha sela morago fale,” kereke e bolela bjalo; gomme Lengwalo le re, “Mang kapa mang a ratago.” Nka se kgone go dira seo go betha senepša.

<sup>98</sup> Nka se kgone go dira Bocalvin—go no dumela go Morena gomme o na le tshireletšo ya gosafelego—le Boarminia, “Gore ge nka no se kgwathe, ka se sware, ka se latswe, ke—ke tla rata go e dira, eupša nka se kgone go e dira!” . . . Boarminia bo kgole kudu go tloga go Bocalvin, gomme bobedi ba phošo. Ke swanetše go bona moo. . . . Bobedi ba ne Mangwalo, eupša e swanetše go betha senepša. Bjale, ge Modimo a boletše selo se tee ka go Beibele ye, e swanetše go betha senepša; e swanetše go dira ntikodiko ye nngwe le ye nngwe ka Beibeleng yela e tle thwi ka go otologa go theoga go leihlo lela la poo. E swanetše go e dira, ka gore Ke Lentšu la Modimo; gomme Yena ke mohlokamagomo, gomme Le ka se kgone go fetoga. Amene! Ke rata seo, gobane gona le ka khutša ka phethagalo le kgotsofetše gore Ke Lentšu la Modimo la Gosafelego. Gomme kagona, ke leka go ithuta Lona go tšwa Mangwalong a go fapano go Le dira—go bona se Le tla se bolelago. Go lokile.

<sup>99</sup> Sathane ka kgonthe o lahletšwe ntle ga Legodimo ke Mikaele Morongwamogolo le Modimo. Gomme o ile a lahlelwa lefaseng, a tla lefaseng, a tsena ka go sephente, a fora Efa, gomme morago a tsena ka go monna, basadi, gohle go theoga go kgabola lebaka ka selo sa go swana a se thomilego mathomong—mmušo wo mogolo bogolo, wo mobotsebotse go feta wa moisa yo mongwe, go ba mmušiši godimo ga bohole, motsebayohle. “Kerekeleina ya rena ke ye kgolokgolo; e—e—e ka godimo ga tše dingwe.”

<sup>100</sup> Le ba kwele ba re, “Gobaneng, re ne makgolo a mantši bjalo a bareri ka mokgatlong wa rena. Re na le dikereke tše kgolokgolo tše di lego gona ka toropongkgolo.” Selo se tee feela se se peletago ke S-a-t-h-a-n-e go nna. Yeo ke therešo. Seo se ra diabolo go nna. Ge o hwetša monna yo a ka thubago le go kgatlofatša, le go thuba bongwanešu, gomme a re ba ka se be le selo go dira le kereke ye nnyane . . .

<sup>101</sup> Ga se ka ke ka tsoge ka bona motho fase kudu le bjale, goba ga se ka ke ka tsoge ka bona motho kgole kudu ka sebeng le bjale; Ga se ka ke ka bona yo motee—mosadi wa go kobama kudu goba monna wa go kobama kudu, eupša yo ke bego ke tla ya go yena, le go bea matsogo a ka go mo dikologa, le go mo tliša ka ntle ga seo ge nka kgona. Ga se ka ke ka bona sehlopha sa bapshikologibakgethwa, goba eng kapa eng le nyakago go ba bitša, ba šuputša, le go taboga, le go goeletša, goba e ka ba eng ba ka e dirago, eupša se ke tlago go se hwetša thwi ka kua le go šuputša, le go taboga, le go goelela le bona go tagafatša Modimo (yeo ke nnete tlwa!) ge eba ke yo moso, yo mokheri, yo motsotho, yo mošweu, goba e ka ba eng a ka bago. Ee, mohlomphegi!

<sup>102</sup> Moya wo Mokgethwa o tla go boemo bjo botee; ke gore o kgotsofatsa dinyakwa tša Modimo. Ge o ka tsoge wa O hwetša, o tla tla go leemo la Modimo gomme e sego menagano ya gago mong ka Wona. Sathane o leka go e dira ya maemo, selo se sengwe se segolo, selo se sengwe se segolo, bohlale. O swanetše go lahlela fase go fa mabaka fao le go dumela se Lentšu le se bolelago ka yona. Amene!

#### 80. Bjale, ye nngwe še; a re boneng se e lego. Go lokile. **Hle hlaloša seswantšho sa dikgarebe tše tlhano. A Mokriste o dira sebe?**

<sup>103</sup> Bjale, seswantšho sa dikgarebe tše tlhano—goba dikgarebe tše lesome ke tšona, hle ntshwareleng. Dikgarebe tše lesome di hwetšwa ka go Mateo 25:1. Dikgarebe tše lesome di ile ntle go gahlanetša monyadi (bjale hlokomelang!), gomme ba bahlano ba bona ba be ba le bohlale gomme ba bile le oli ka maboneng a bona, ba bahlano ba be ba se bohlale gomme ba se ne oli ka maboneng a bona. Ge ba sa potuma, kgoeletšo—kgoeletšo ya tla, “Eyang le gahlanetše monyadi.” Gomme bona bao ba bilego le oli ka maboneng a bona, ba lokiša mabone a bona, mollo o be o tuka, gomme ba ile ntle go gahlanetša monyadi. Ba bangwe ba tla go reka oli, gomme ba ba boditše go ya le go hwetša go tšwa go—oli go tšwa go bao ba e rekišitšego. Ge ba be ba eya, monyalwa o a tla gomme kga—gomme kga—kgarebe ye bohlale e ile ka gare, gomme kgarebe ya go robala e ile ya lahlelwa ntle.

<sup>104</sup> Se se ya go gobatša, ka kgonthe go gobatša, eupša ke no swanela go se bolela. Ga se nke ka botšiša potšišo; ke no ba le boikarabelo go e arabeng. Bjale, se se tla kgaušwi kudu le gae, ngwanešu, kgaušwi kudu, go fihla ke holofela gore se a thuša sebakeng sa go gobatša. Ka mehla o swanetše go gobatša... Bjalo ka ge mama a be a fela a bolela ge a mpha go hwiphinywa, o rile, “Go swanetše go gobatša pele go go dira gabotse.” Gabotse, yeo—yeo ke nnete. Le a bona? Ga se ke kgone go e bona nako yela, eupša ke—ke a e bona bjale.

<sup>105</sup> Lebelelang, ba... Bohle ba lesome ba bona bao ba ilego ntle ba be ba le dikgarebe. Bjale, go be go ne dikgarebe tše lesome

di ilego go gahlanetša Morena. Bjale, lentšu *kgarebe* le ra “go hlwekišwa (a e ka ba mang o tseba seo?), kgethwa, go seka, go hlwekišwa.” Go be go le lesome la bona bao ba ilego ntle go gahlanetša Morena.

<sup>106</sup> Bjale elelwang, ba be ba robetše ka go tišo ya pele, tišo ya pedi, tišo ya tharo, pele go fihla tišo ya bošupa. Eupša ba ka kgontha ba ile go kopana le Morena. Gomme elelwang, ge ba ile, Morena o tlide. Yeo e be e le go tla ga nako ya Morena. E sego yo a bego a le ka go tišo . . .

<sup>107</sup> Jesu o boletše moo gore ba bangwe ba wetše ka go tišo ya pele, gomme ba bangwe ka go tišo ya bobedi, gomme ba bangwe ka go . . . Eupša mo go tleng ga Morena bohole ba phafosítšwe. Eupša go taba ye, e bile tišo ya mafelelo, gobane ba ile ntle, lesome la bona, go gahlanetša Morena. Gomme ba bahlano ba rothithile mabone a bona, gomme ba se tsee oli; ba bahlano ba bile le oli.

<sup>108</sup> Bjale elelwang, oli ka Beibeleng ke seka sa eng? A yo mongwe a ka kgona go bolela? [Phuthego e a fetola, “Moya wo Mokgethwa.”—Mor.] Moya wo Mokgethwa! Gona o ka hlweka, le go seka, le go hlwekišwa ntle le go ba le Moya wo Mokgethwa. Go hlwekiša ke se o lego . . .

<sup>109</sup> Bjale šetšang, ke ya go tsea boka lebotlelo le. Gomme le robetše ntle mo ka serapeng sa dikgogo, gomme lohle le tletše tšhila. Ke a le topa; yeo ke tokafatšo: “Ke ya go šomiša modiradibe yo.” Gomme selo sa go latela ke se dirago ge eba ke ya go le šomiša, ke tla swanelo go le hlwekiša. Gomme morago, ge ke le hlwekiša, ke dira eng go lona? Go le hlwekiša. Lentšu *go hlwekiša* le dirilwe—le ra “*go hlweka*,” selo sa go swana le se sekgethwa. *Kgethwa—kgethwa* ke lentšu la Sehebere, *go hlwekiša* ke lentšu la Segerike. Lentšu *go hlwekiša* le ra “*go hlweka* le go beelwa thoko bakeng sa tirelo.” Eupša gona, ba lehlogonolo ke bao ba swerwego ke tlala le go nyorelwa toko ka gore ba tla tlatšwa, morago ba bewa ka tirelong.

<sup>110</sup> Dibjana . . . Tabarenekele ya Testamente ya Kgale, aletara e hlwekišitše dibjana, gomme di ile tša beelwa thoko *bakeng sa tirelo*. Ge di be di tladiršwe, di be di le *ka* tirelong.

<sup>111</sup> Bjale, fao ke mo lena barategi, Manazarene a bohlokwa le go ya pele, le tlogetšego leswao. Le a bona? Rena bohole . . . Gobaneng le palelwa? Gobaneng Pentecost e tšhabile le go le tlogela. Gobane le ganne go sepela ka Seetseng. Yeo ke nnete tlwa. Le a bona? Yeo ke tlwa. Aletara ya pele nkilego ka khunama go yona e bile go ye bohlokwa, aletara ya kgale ya Nazarene tlase mo. Modimo a ba šegofatše, ye botse, ye kgethwa, kereke ya go hlweka, eupša le semolao kudu go fihla le eya, “O swanetše go dira *se*, gomme o swanetše go dira *sela*. O swanetše go dira *se*,” gomme ga o lemoge ke mogau wa Modimo gomme o bitšwa ka kgetho. Ga se yo a ratago goba yo a kitimago, eupša ke Modimo yo a bontšhago kgaogelo. Le a bona? Modimo o kgethetšepele

Kereke pele ga motheo wa lefase (re na le potšišo godimo ga seo metsotsong e se mekae. Le a bona?), o kgethetšepele Kereke pele ga motheo wa lefase.

<sup>112</sup> O ka se kgone, go tsea kgopolو, wa oketša khwipiti e tee go leemo la gago. “Ga go motho a ka tlago go Nna ntle le ge Tate wa Ka a mo goga pele.” Le a bona? Le a bona, e be e le Modimo yo a dirilego pitšo, Modimo yo a dirilego go goga, Modimo yo a beilego Kereke. Bjale, bjale, o re, “Ngwanešu Branham, bjoo ke Bocalvin bja go sekа.” Aowa, ga se bjona. Bjale, emang! Ga ke dumela gore Modimo o tsea motho gomme a no re, “Fa, Ke ya go go topela godimo gomme . . .”

<sup>113</sup> Bohle Mabaptist a le Mapresbyterian ba re, “Gabotse, ke dumela go Morena, ga ke na—ga go ahlole letsvalo la ka!” Ga go makatše, ga o ne selo go ahlola. Ba re, “Gabotse, go bina ga go nkogobatše. Go nwa seno se sennyane sa leago se ka se nkogobatše.” Gobane ga go selo ka fale go gobatša. “Go bolela metlae ya ditšila e ka se ntshwenye.” Gobane gobaneng? Ga se gona ka fale go gobatša.

<sup>114</sup> Eupša ga ke direle Morena ka gore ke nagana gore O tla nthomela heleng ge ke se ka dira; ke a Mo direla ka baka la gore ke a Mo rata. Ke a Mo hlankela gobane go ne se sengwe ka go nna. Ge o eya ntle le go re, “Re tla, ke swanetše go tlogela go dira se gobane kereke ya ka ga e dumela go sona,” o no ba o raloka karolo ya moikaketši. Yeo ke nnene. Eupša ge o e dira ka baka la gore o a e rata, gomme—gomme ke seabe go Modimo, le se sengwe ka pelong ya gago se dira lerato la Modimo le legolwane kudu go wena go feta dilo tše, bjale o mothalong wa maleba. Eupša ge nkabe ke se ka nwa, ka kgoga, ka sohla, ka rogana, go se dire selo gape, ke be ke tla no fele ke eya heleng. Nnene! Ke tšoenne dikereke tšohle, ke kolobeditšwe, gomme ke bile le leina la ka go dipuku tšohle, gomme ke bapetše karolo ye botse, gomme o phetše bophelo bjo bobotse, “Ntle le ge motho a ka tswalwa gape, a ka se kgone ebile go bona Mmušo wa Modimo.” Yeo ke nnene!

<sup>115</sup> Bjale dikgarebe tše, lesome la tšona di ile tša nokologa. Se se thetšitšego batho ba Nazarene e bile se: Gobane Mapentecostal ba tserе bohlatse bja mathomo bja Moya wo Mokgethwa ke go bolela ka maleme. Ba ba išitše tlase mo aletareng le go ba dira ba bolele se sengwe goba se sengwe gape le gape go fihla ba boletše ka maleme. Wa kgonthe, Mopentecostal wa therešo o be a ka se ye bakeng sa seo. Diabolo o bile le dilo tše dintši ka kerekeng ya lena ya Nazarene le yona. Le a bona? Gomme o na le dilo tšohle tše ntši ka kerekeng ya Pentecostal, eupša ge go etla go kolobetšo ya Moya wo Mokgethwa, yeo ke Therešo. Yeo ke Therešo tlwa.

<sup>116</sup> Go na le bontši bja bona, ke a tseba. Ke kwele batho ba bolela ka maleme. Nka se ahlole; ke be ke se ka romelwa go ahlola. Ke kwele bontši bja yona; go kwagetše boka go galagatšwa mphiri le pidinya ga moropa. Eupša ke a tseba go ne Moya wo Mokgethwa

wa kgonthe woo o bolelago ka maleme. Gomme ke a tseba yeo ke nnete. Ee, mohlomphegi!

<sup>117</sup> Eupša ba bone batho ba etla ka gare le go re, “Letago go Modimo, ke O hweditše.” Gabotse gona, seo ke selo sa go swana . . . Bjale, le se bitše seo Pentecostal gobane ba tabogetše godimo le fase, gomme ba boletše ka maleme, gomme le ba bone ntle kua le mosadimogatša wa yo mongwe gape goba monnamogatša wa yo mongwe gape.

<sup>118</sup> Le re, “A woo ke Moya wo Mokgethwa?” Lena Manazarene le goeeditše gohle godimo ga lebato le go dira selo sa go swana. Le rile le bile le Wona ge le goelela. Le a bona? Ga go tsela le gatee ye o ka kgonago go e netefatša ka—eupša ka bophelo bja gago o bo phelago. “Le tla ba tseba ka dikenya tša bona.” Ke ka tsela yeo go lego. Bophelo bja bomodimo le Kriste a šoma ka wena a tiišetša Mantšu, maswao le matete a latela le bophelo bja bomodimo, seo ke selo sa kgonthe. Bjale, o ka kgona go ba le maswao a mantši gomme e sego bophelo. O ka kgona go ekiša bophelo ntle le maswao, eupša ge o a bona bobedi mmogo, gona yeo ke yona. Yeo ke yona.

Bjale! Gomme ka gona, elelwang, Monyalwa . . . Bjale nka no fetša ye ge le na le feela nako ya metsots e se mekae, eyang pele go yona.

<sup>119</sup> Lebelelang, mosadi o ya go sega roko. O na le seripa se segolo sa lešela. (A re e bitše eng? Kaliko, gingham, goba se sengwe le sengwe, mohuta tsoko wa leina woo le nago le lona. A re re ke siliki.) Gomme o na le phethene. Gomme o lebelela godimo ga seripa se segolo se sa lešela. Bjale, go tšwa go yena mo a beago phethene ye. A yeo ke nnete? A ka kgona go e kgetha go tšwa go e ka ba karolo efe ya lešela le, gomme lešela ka moka le hlwekišitšwe, le hlwekile. Le a bona, ke kgetho. Kgetho ya Modimo. Kafao O dira eng? Modimo o tsea ka kgetho le go bea phethene ye ya Kriste e ka ba kae A nyakago go lešela. Gona le a segwa. Bontši bja lešela bo no ba bokgethwa bjalo ka ge karolo ye e bile ye kgethwa, eupša ka kgetho Modimo o dirile kgetho ya Gagwe pele ga motheo wa lefase. A Paulo ga se a bolela ka go Bakorinthe—Bakorinthe 8, ke ra, Baroma 8, gore, “A Mmopi a ka kgona . . . a letsopa le ka kgona go re go Mmopi, gobaneng o ntira bjalo?” A Modimo a ka kgona, Yo a lokilego, ge A ka re go Esau goba Jakobo pele e ka ba ofe wa bašemane a ka belegwa goba a dirile botse goba phošo, “Ke hloile Esau gomme ke rata Jakobo”? Ke ka lebaka la gore ka tsebelopele O tla tseba se Esau a bilego le se Jakobo a bilego. O tseba se se lego ka go motho. Pele ga motheo wa lefase O tsebile, O . . .

<sup>120</sup> Ge o ka kgona go hlatholla lentšu la *mohlokamagomo* . . . Gobaneng, lentšu *mohloka magomo* . . . Ke re go bile le dibilione tše lekgolo tša ditšhošwane ka lefaseng (tše di ka se e thome), ditone tše dibilione tše lekgolo tša ditšhošwane ka lefaseng,

gomme ye nngwe le ye nngwe ya tšona e ponyapontše mahlo a tšona makga a lekgolo la trilione tše bilione. Gomme ga go le e tee ya tšona e kilego ya ponya leihlo la tšona eupša se Modimo a se tsebilego pele ga motheo wa lefase. Seo ke go hloka magomo. Seo ke se sengwe godimo ga lentšu la *go hloka magomo*. Le a bona?

<sup>121</sup> Yena ga a na magomo. Kafao pele ga motheo wa lefase O tsebile feela tlwa se o tla se dirago. Gomme O rometše Kriste, e sego go no ba . . . Ge yo mongwe, “Gabotse ge nka no tlogela swele ya ka le go Mo latela,” goba se sengwe boka seo, seo ga se sona. O tsebile ke mang a tla phološwago, kafao O rometše Kriste go phološa se A se bonegopele se tla phološwago. Yeo ke nnete tlwa.

<sup>122</sup> Bjale, Kereke ka Boyona e na le tšhireletšo ya ka Gosafelego. Ge o le ka Kerekeng, o bolokegile le Kereke. Eupša ge o tšwela ka ntle ga Kereke, ga se wa šireletšega. Le a bona? Bjale, o dula ka Kerekeng.

<sup>123</sup> O tsena bjang ka Kerekeng? Go tšoena diatla, go ngwala leina la gago godimo ga puku? Ka Moya o tee bohole re kolobeletšwa ka Mmeleng o tee; yeo ke Kereke. Bjang? Ka kolobetšo ya Moya wo Mokgethwa re tswaleletšwe ka Mmeleng wa Kriste. Botelele gakaakang? Go fihla letšatši la topollo ya lena. Baefeso 4:30, “Le se ke la nyamiša Moya wo Mokgethwa wo le swailwego ka wona go fihla letšatši la topollo ya lena.” Le tswaleletšwe go tloga go fihla letšatši la topollo ya lena. Bjale. Ka nnete, ka nnete, woo ke Moya wo Mokgethwa.

<sup>124</sup> Gomme bjale, Kereke yela e tšeetšwe godimo, le mašalela a peu ya mosadi ba ba bolokago melao ya Modimo le go ba le tumelo ka go Jesu Kriste (le a bona?), e sego Monyalwa, mašalela a peu ya mosadi. Morago terakoni e tshwetše meetse go tšwa molomong wa yona go dira ntwa le mašalela a peu. Moo ke ge kereke ya protestant ka tlase ga Federeišene ya Dikereke, e lego seswantšho sa sebata, seo bjale se bopegago . . . Gomme go tla ba le kiletšo godimo ga dikereke tšohle ka mokgwa wo.

<sup>125</sup> Go swana le ge re le ka go kopano ye kgolo ya motšhelo thwi mo bjale, ngangišano, go leka go bolela gore ga se ren a kereke, gomme re na le ditokelo tša Molaotheo go bolela gore re kereke. Ge feela Molaotheo o eme fale, ga go go molaatlaleletšo go woo, ka gona ka go felela re na le ditokelo, feela gabotse kudu bjalo ka mang kapa mang. Borakgolokhukhu ba ren a ba emetše sela. Eupša re dirile eng, re robile melao ye mengwe le ye mengwe ya Molaotheo yeo ba ka go e robago, gomme ka pejana Federeišene ya Dikereke, tšeodikereke tšohle le dikerekemaina di laleditšwego ka go tšona, gomme diabolo o tsene ka gare le go dira lefase le se sengwe le se sengwe ka go maloko a kereke ya selegae le go ya pele ka mokgwa woo, le diphuthego tše kgolo, le legoro, le sosaaete, ge kereke ye nnyane ya kgale e sa le tlase mošola e tswetšwe gape ka go tlhagaraga boka tswalo e ka ba efe

e lego, o sa lefa tefo, o sa ya fase le go hwa ntle, ba dira ka tsela ya go swana ba dirilego ge la mathomo ba tswalwa ka letšatši la Pentecost, mohuta wa go swana wa kereke tlase kua... Di tla tswalelwā le go tswalelwā ntle ka tlase ga Federeišene ya Dikereke. E tla ba kiletšo bjalo ka kopano goba se sengwe. E tla ba gore o tla ka gare goba o tla ya ka ntle.

<sup>126</sup> Leswao la sebata le godimo lehono, gomme le—le Leswao la Modimo ke Moya wo Mokgethwa. Go e gana ke leswao la sebata. E ka ba mang a bonago Moya wo Mokgethwa, gore o swanetše go O amogela, gomme o se e dire, ka go itiragalla o tšea leswao la sebata, ka baka la gore go na le magoro a mabedi feela phela: bohole ba ba bego ba se na le Leswao la Modimo ba bile le leswao la sebata. Kafao go amogela Leswao la Modimo ke go amogela Moya wo Mokgethwa. Go Le gana ke go ba le leswao la sebata. Selo ka moka seseo. Yeo ke nnete tlwa.

<sup>127</sup> Bjale, Monyalwa o ile godimo, mašalela a šetše mo. Gomme ke yena yo a tlidego ka tsogong ya bobedi. “Wa lehlogonolo le yo mokgethwa ke yo a nago le karolo ka go tsogo ya pele, yeo lehu la bobedi le se nago maatla.” Yeo ke nnete. Tsogo ya bobedi e tla ba Terone ye Tšhweu ya Kahlolo, gona kereke... “A ga le tsebe,” go boletše Paulo, “eyang magareng ga basedumele le ba molao le go ya pele ge bakgethwa ba tla ahlola lefase.” Ditaba tše di swanetše go ahlolwa pele ga Kereke, e sego pele ga bomagistrata ba go se loke le go ya pele, eupša pele ga Kereke ditaba tša rena di swanetše. Le se leke go išana molaong. Gomme Modimo a šokele motho yo a tla išago Mokriste go molao. Yeo ke nnete. Paulo ebile o ba ileditše go e dira.

<sup>128</sup> Bjale, yoo ke Monyalwa, gomme fale go sepela kgarebe ye e robetšego, e šetšege lefaseng. Kgarebe ye bohlale e ya Legodimong ka oli ka leboneng la gagwe.

Ke a tseba re ka tšea nako ye ntši go yeo, eupša ke na le—ke ya go hlaganelo go kgabola ye.

<sup>129</sup> “A Bakriste ba dira sebe?” Ka go felela aowa! Ga go Lengwalo moo Mokriste a dirago sebe. A ka se kgone go dira sebe. Ke a tseba go na le go ganetša seo. Gabotse, re tla no ya go Johane wa Pele 3 le go bona se Lengwalo le se bolelago. Mokriste ga a dire sebe.

<sup>130</sup> A le kile la bona ye ntsho, nonyana ye tšhweu goba ye tšhweu, nonyana ye ntsho? A le kile la bona wa go tagwa, motho wa go hlapologelwa? Aowa! Ga se wa ke wa tsoge wa bona modiradibe, mokgethwa ga ešita. Ga go selo se sebjalo.

<sup>131</sup> Bjale, ge se se no ba go kgwatha gannyane, o no bea bontši bja moriana ka gare, le a tseba, gomme o tla—o tla fodiša feela ka go nthathana ye nnyane bjale.

<sup>132</sup> Bjale, Mangwalo ke gomangkanna ya rena, dinetefatšo tša go se palelwe tša se re bolelago ka sona. Tema ya 3 ya Johane wa Pele le temana ya 9. Go lokile, theetšang se!

*Yo a dirago sebe ke wa diabolo; ka gore diabolo o dirile sebe go tloga mathomong. Bakeng sa morero wo Morwa wa Modimo o dirilwe go bonagatšwa, gore a ke a senye mediro ya diabolo.*

Theetšang, a le komana? Aparang dipaki tša lena, dihlabani tšohle di konopetšwe? Theetšang sekgauswi, gobane se se a tšoša.

*Yo a tswetšwego ke Modimo ga a dire sebe; . . . (Seo se bjang?) . . . gobane peu ya gagwe . . . (peu ya Gagwe, ya Modimo). . . e dutše ka go yena: . . . (Motho!) . . . gomme a ka se kgone go dira sebe, gobane o tswetswe ke Modimo.*

*Ka go se bana ba Modimo ba dirwa go bonagala, le bana ba diabolo: mang le mang a sa dirego toko ga se wa Modimo, ešita . . . yoo a sa ratego ngwanabo.*

O ka kgona bjang go ba le dikerekemaina le go thala mellwane le dilo boka tseo, gomme wa re o tswetšwe ke Modimo? Ga go selo se sebjalo. Ke dikwero tša—Sathane. Yeo ke nnete. Eupša motho yo a tswetšwego ke Modimo ga a kgone go dira sebe; ga go kgonege go yena go dira sebe.

<sup>133</sup> Šetšang! A nke ke no tsea sefapano se feela motsotso ge se ka tla go tswa fale. Moneelo wa sebe e be e le mang? Jesu Kriste. Re tsena bjang ka go Kriste? Ke mang a re hwetšego? Kriste. O hwetše eng? Dibe tša rena. O tšere kotlo ya ka. A yeo ke nnete? Gomme gona ke tsena bjang ka go Yena? Ka Moya o tee bohole re kolobeletšwa ka Mmeleng o tee. Gomme ge ka go Mmele wo, re khupeditšwe ke Madi le go lokologa go tloga go dikahlolo. A ka se kgone go dira sebe, ka baka la gore go na le sehlabelo sa Madi se robetše bakeng sa gagwe mosegare le bošego. Haleluya! A ka se kgone go dira sebe. Ga a na le kganyogo ya go dira sebe. Ge a se dira—ge a dira selo se sengwe se se fošagetšego, ga a re go se dira. Beibele e boletše ka go Bahebere tema ya 10, “Gobane ge re dira sebe ka boomo ka morago ga ge re amogetše tsebo ya Therešo (gomme Yena ke Therešo), ga go sa na sehlabelo bakeng sa sebe. Yo a nyaditšego molao wa Moshe o hwile ka tlase ga hlatse tše pedi goba tše tharo, kotlo ya go galaka kudu e tla swanelo go ba e kaakang, le ge a ne maswanedi, yo a gatakilego Madi a Jesu Kriste ka tlase ga maoto a gagwe gomme a bala Madi a kgwerano ao ka wona a hlwekišitšwego selo se e sego se sekgethwa, gomme o dirile lenyatšo go mediro ya mogau.”

<sup>134</sup> Ka gore ka Moya o tee ka moka re kolobeletšwa ka Mmeleng o tee gomme re lokologile go tswa sebeng, gomme ga re kgone go dira sebe. Go poelano e re letile. Gomme ge go sa ne tlhologelo ka pelong ya gago go dira sebe, ga se nke wa ke wa kolobeletšwa ka go Mmele wola, gobane o hwile gomme bophelo bja gago bo fihlilwe ka go Kriste ka Modimo le go tswalelefwa ka Moya wo Mokgethwa. Bakriste ga ba dire sebe. Ba dira diphošo, eupša ga

ba dire sebe. Amene! Ke ka baka leo ba sa dirego, gobane a ka se kgone go dira sebe.

<sup>135</sup> Nka kgona bjang go ba... Ge nka ya tlase go kgabola toropokgolo fa, gomme ratoropo wa toropokgolo o re, "Mna. Branham, ke a tseba gore o dira dipitšo tša balwetši. Go na le magomo a lebelo. Magomo a lebelo la godimodimo ka toropongkgolo ke e ka ba dimaele tše masometharo ka iri. Eupša ke go fa tumelelo go kitima masomesenyane ge o nyaka, ka gore ke na le tumelo ka go wena gore o ka se e dire ntle le ge o na le pitšo ya tšhoganetšo goba yo mongwe a ehwa ka kua ka gare ga matlhkge. Gomme ke tla go fa tumelelo, bjalo ka ratoropo wa toropokgolo ye, gore o ka kgona go tshela lebone le lengwe le le lengwe le lehubedu, wa dira eng kapa eng o nyakago, e no ya thwi pele." Moofisiri yo monnyane wa nthathana ye mebedi a ka tsoge a nkgolega ntle mo ke dira dimaele tše masomenne ka iri ka lefelong la dimaele tše masometharo? A ka se kgone. Nka se kgone go roba melao ye e itšego ya lebelo ka go toropokgolo ye, ka gobane gobaneng? Ke ka godimo ga melao ya lebelo. Amene! Ke a holofela le a e bona.

<sup>136</sup> Gomme ge re hwile, gomme Modimo o lemogile tshokologo ya rena, O lemogile kolobetšo ya rena, O lemogile Madi a Morwa wa Gagwe mong, ao ka tumelo a dirišitšwego, O lemoga peelopele ya Gagwe, gomme o tsebile gore ke tla e dira, gomme o ntemogile ka go Kriste, ke hwile... Gomme Kriste o hwile lefelong la ka ge A bolailwe pele ga motheo wa lefase. Leina la ka le beilwe Pukung ya Gagwe bjalo ka Mokriste. Haleluya! Kriste o hwile lehu la ka. Kriste ke Sehlabelo sa ka. Gomme Modimo a ka se kgone go mpalela sebe gape. O mphile Leswao la Moya wo Mokgethwa bjalo ka hlatse gore ke fetile go tloga lehung go ya Bophelong. Fše! Seo se a e dira.

<sup>137</sup> Gona bao ba tswetšwego ke Modimo ga ba dire sebe, gobane a ka se kgone go dira sebe. Ka go Testamente ya Kgale ngwaga wo mongwe le wo mongwe go bile le go gopolwa ga sebe. Eupša Kriste, ka sehlabelo se tee O phethagaditše morapedi neng le neng. "Mo—mo morapedi ge gatee a hlatswitšwe (Bâhebere 10)—morapedi ge gatee a hlatswitšwe ga a sa na letswalo la sebe." Kafao o tsea batho ba bao ba kitimago ka kerekeng le go tabogela godimo le fase, le go goelela, le go bolela ka maleme, le go dira feela tlwa boka Mokriste, le go kitimela ntle, gomme ngwaga wa go latela ba swanetše go tla morago gape, beke ya go latela. Ga se ba ke ba tsoge ba tla e ka ba kae sa mathomo. Ba no be ba ekiša, ka gore Beibele e boletše gore Moya wo Mokgethwa o re tswalelela ka go Kriste go fihla letšatši la topollo ya rena. Haleluya! Seo ke se se ntirago go khutša ke netefaleditšwe, gobane Modimo o e tshepišitše.

<sup>138</sup> Ga go sa na sebe. Potšišo ya sebe e fedile. Ke ka lebaka leo sebe se bonalago se le ditšhila kudu go Mokriste. Ke ka baka leo basadi ntle mo ba apere dišothi tše ba lebega ditšhila kudu

go Mokriste. Ke ka baka leo mahlapa, ke ka baka leo dilo tša ditšila, ke ka baka leo go kgoga, go nwa, go kempola, ohle mananeo a a go se hlokolwe mo thelebišeneng, dilo tšohle tše di bonala ditšila. Gobaneng? Le ba Mmušo wa go fapano. O tswalelwā ka Mmušong wa Modimo le go tswalelwā ka Moya wo Mokgethwa go fihla letšatši la topollo ya gago.

<sup>139</sup> Yo a tswetšwego ke Modimo ga a dire sebe, gobane ga a kgone go dira sebe. Peu ya Modimo e ka go yena, gomme ga a kgone go dira sebe. Ge feela Moya wo Mokgethwa wola o le ka kua O tše kganyogo ye nngwe le ye nngwe ya sebe go tloga go wena. Amene! O ka se kgone go dira sebe; ga go sa na kganyogo.

Re ka kgona go tšeа nako ye telele go yeo, eupša a re hlaganeleng. Ga re ye go e fetša, ke a boifa.

### **81. Gobaneng dikereke tše di kolobetšago ka leina la Tate, Morwa, le Moya wo Mokgethwa gomme ba amogela bareri ba basadi go rera, gobaneng ba na le maatla a mantši bjalo le maatlataolo?**

<sup>140</sup> Bjale, seo ke selo sa go tsikinya. Bjale, ke a tseba gore ke bolela le batho ba ba tla fapanago le se, eupša bjalo ka Mokriste ke swanetše go se bolela. Ga go na maatlataolo a Lengwalo ka Beibeleng bakeng sa kolobetšo ya meetse leineng la Tate, Morwa, le Moya wo Mokgethwa. Ga se gwa ke gwa tsoge gwa ba motho o tee a kilego a kolobetšwa ka Beibeleng leineng la Tate, Morwa, Moya wo Mokgethwa. Woo ke motlwae wa Katoliki o rutilwego ka go ngwagakgolo wa boselela.

<sup>141</sup> Go fafatša ga se gwa tsoge gwa ba ka Beibeleng, go batho go fafatšwa goba go tshela, eupša go karabetšwa. Ge le nyaka go tseba seo, ke na le bobedi Segerike le Seheberu mo go yona.

<sup>142</sup> Gomme ka Letšatši la Pentecost, Petro o nyakile gore motho o swanetše go sokologa gomme a kolobetšwe Leineng la Jesu Kriste go tlošweng ga dibe tša bona. Gomme Tate, Morwa, le Moya wo Mokgethwa ga se leina. Tate, Morwa, le Moya wo Mokgethwa... Mateo 28:19 e rile "Eyang kagona, rutang ditšhaba tšohle, ba kolobetšeng Leineng," e sego ka go maina, ka Leina, botee bja... E sego leineng la Tate, leina la Morwa, leina la Moya wo Mokgethwa, eupša Leineng la Tate, Morwa, le Moya wo Mokgethwa. *Tate* ga se leina; *Morwa* ga se leina; *Moya wo Mokgethwa* ga se leina. Ke dithaetlele tšeо e lego tša Leina.

<sup>143</sup> Bjale, matšatši a lesome moragorago Petro o rile, "Sokologang, yo mongwe le yo mongwe wa lena gomme le kolobetšweng Leineng la Morena Jesu Kriste." Tate, Morwa, le Moya wo Mokgethwa, go bona ka fao kgopoloy a go fetiša ya bothrinithi... Le a bona, ba leka go dira badimo ba bararo go tšwa go seo. Ga go badimo ba bararo. Ke rata go le balela seo go tšwa go Segerike sa setlogo fa. Tsela e nnoši ba kolobeditšwego Leineng la Jesu e bile, gomme Beibele e boletše ka go Segerike sa setlogo, e be e le go ba dira ba lemoge gore O be a le Modimo.

<sup>144</sup> Tate, Morwa, le Moya wo Mokgethwa ke diofisi tša Modimo o tee. O be a le Tate; O be a le Morwa; Yena ke Moya wo Mokgethwa. Ke diofisi tše tharo tša mabaka a mararo: Botate, Bomorwa, le lebaka la Moya wo Mokgethwa. Eupša Tate, Morwa, le Moya wo Mokgethwa ba na le Leina le tee, Morena Jesu Kriste.

<sup>145</sup> Motho yo mongwe le yo mongwe go tloga letšatšing leo go ya pele o kolobeditšwe Leineng la Jesu Kriste, gomme ba hweditše ba bangwe ba ba kolobeditšwego e sego go Leina le gatee, gomme Segerike sa setlogo se bolela thwi mo le bobedi Sehebere, gore kolobetšo Leineng la Jesu ke bakeng sa tebalelo ya dibe, bobedi Segerike le Sehebere. *Go tloša go ra* “go lebalela,” nnete. Ge nka *tloša* e ka ba eng, ke go e *tloša*. *Go e tloša*; “e tloše.”

<sup>146</sup> Eupša ga go Lengwalo ka Beibeleng... Gomme Paulo moapostola o fetile go kgabola gomme a hwetša baena ba bangwe ba Baptist, Ditiro 19. Ba be ba na le nako ye kgolo; ba be ba goelela; ba be ba na le thabo ye kgolo le dilo tše kgolo; gomme ba be ba rera, ba na le thabo ka kampeng.

<sup>147</sup> Aquila le Priscilla ka go tema ya 18 ba be ba etetše batho ba, Apollo; ba be ba le Mabaptist. Gomme Paulo o ile go bona, gomme o rile, “A le amogetše Moya wo Mokgethwa ge e sa le le dumetše?”

Gomme ba rile, “Ga re tsebe ge eba go na le Moya wo Mokgethwa wo o itšego.”

<sup>148</sup> O rile, “Le kolobeditšwe bjang?” Ke a tseba ka go King James e re “go eng”; mo setlogong e rile, “go bjang.” “Eng goba le kolobeditšwe bjang?”

<sup>149</sup> Ba rile, “Re kolobeditšwe ke monna wa go swana yoo a kolobeditšego Jesu, Johane.” Paulo o rile, “Yeo se ka se sa šoma gape. Le swanetše go kolobetšwa gape.” Gomme ge ba kwele se, ba tla morago ka meetseng gomme ba kolobetšwagape Leineng la Jesu Kriste. Paulo o beile diatla tša gagwe godimo ga bona, gomme Moya wo Mokgethwa o tlie godimo ga bona. Bjale, ge yoo—ge Tate, Morwa, le Moya wo Mokgethwa, a bolela fa, le Morena Jesu Kriste, e bolela fa, nka se kgone go itia bobedi bja dinepša. Go swanetše go loka.

<sup>150</sup> Bjale, Mateo 28:19, yeo ke tema ya mafelelo gomme temana ya mafelelo ka go Mateo. Ge o bala kanegelo ya lerato, gomme e rile, “John le Mary ba phetše ka lethabo ge e sa le morago ga fao,” John le Mary ke mang? Eya morago go mathomo a puku; hwetša ke bona bomang. Bonang John le Mary ke mang bao ba phetšego ba thabile ge e sa le ka morago ga fao. Ge Jesu a rile, “Eyang kolobetšang Leineng la Tate, Morwa, Moya wo Mokgethwa,” gomme *Tate* ga se leina, *Morwa* ga se leina, le *Moya wo Mokgethwa* ga se leina, gona O be a bolela ka eng? Tate ke mang, Morwa, le Moya wo Mokgethwa? Eyang morago go mathomo a yona gomme le bale. Ke tla tsopola ka morago ga mašika a Jesu Kriste, tema ya 1, temana ya 18:

*Bjale matswalo a Jesu Kriste a bile ka tsela ye:...*  
 (Bjale šetšang sekgauswi ka kgonthe. Kota yela, re ya go e bitsa Tate, phuluphithi ye, Morwa, ye, Moya wo Mokgethwa. Bjale, Tate wa Jesu Kriste ke Mang? Modimo ke yena. A bohole le amogela seo? Modimo ke Tate wa Jesu Kriste. Yoo ke Modimo Tate. Yo ke Modimo Morwa. Yola ke Modimo Moya wo Mokgethwa.)

*Bjale matswalo a Jesu Kriste...ka mokgwa wo:...*  
 (Mateo 1:18) *Ge...wa gagwe yo a nyetšwego—mme Maria o be a beeleditšwe ke Josefa, pele ba etla mmogo, o hweditšwe a ne ngwana wa...* [Phuthego e re, “Moya wo Mokgethwa.”—Mor.]

Ke naganne Modimo o be a le Tate wa Gagwe. Ke naganne O rile Modimo o be a le Tate wa Gagwe. Gona Modimo le Moya wo Mokgethwa bobedi ba ka ba Tate wa Gagwe bjang, ge e le batho ba babedi ba go fapano, batho ba babedi ba go fapano, bomotho, tsela e ka ba efe o nyakago go e bea? Ba swanetše go ba Motho wa go swana mong, goba O be a na le bopapa ba babedi ba semoya.

*...matswalo a Jesu Kriste a bile ka mokgwa wo:  
 Ge...mme wa gagwe Maria...a beeleditšwe ke Josefa,  
 pele a etla mmogo, o hweditšwe le ngwana... (e sego wa  
 Modimo Tate, eupša wa)...Moya wo Mokgethwa.*

*Gomme se sohle se dirilwe, gore go ke go phethagale  
 bjalo ka ge go boletswe ke Morena ka moprofeta, a re,*

*Bonang, kgarebe e tla ima, gomme ya belega  
 ngwana,... (Le a bona?)...gomme ba tla bitsa leina  
 la gagwe Imanuele, e lego ka tlathollo, Modimo o na le  
 rena.*

<sup>151</sup> Gomme Leina la Gagwe le be le bitswa eng? Jesu. Go lokile. Tate, Morwa, Moya wo Mokgethwa. Bjale, Tate le Moya wo Mokgethwa ke Moya wa go swanamong. Moya ke eng? Ke Moya wa Modimo. Gomme ge go bile, O tlie go kolobetšo ya Jesu le go dula ka go Yena, “Yo ke Morwa moratwa wa Ka yo Ke kgahlwago ke go dula ka go yena.” O tlie fase gomme a dula ka go Jesu, gomme seo se Mo dirile Imanuele lefaseng. Kafao e be e le eng Leina la Tate, Morwa, le Moya wo Mokgethwa? [Phuthego e re, “Jesu Kriste.”—Mor.] Ka kgonthe e be e le.

<sup>152</sup> Kafao Petro o bile le kutollo ya go swana. Bjale, re ne diponagalo tša rena di hlahlilwe ka gare. Re betha leihlo la poo. A re boneng ge eba barutiwa ba šomišitše mohuta wola wa go thunya. Nako le nako ge ba etla mmogo, nako le nako ge kolobetšo e boletswe, ba ile ba swanelwa ke go kolobetšwa Leineng la Jesu Kriste, ka gore o rile, “Ga go na Leina le lengwe le filwego ka tlase ga Legodimo magareng ga batho leo ka lona le swanetšego go phološwa.” Ke kgopoloy ya maaka ya diabolo gomme ga se Lengwalo le gannyane go tše bjalo. Yeo ke nnete.

<sup>153</sup> Gomme bjale, ke a holofela seo ga se sa gobatša, eupša ke Therešo. Le a bona? Ke Therešo, ngwanešu. O ka se kgone go dira seo. . . O ka se kgone go betha Tate, Morwa, Moya wo Mokgethwa lefelo le tee le Jesu ka go le lengwe, ge go se yo a kilego a kolobetšwa leineng la Tate, Morwa, Moya wo Mokgethwa. Motho yo mongwe le yo mongwe ka Beibeleng o kolobeditšwe Leineng la Jesu, gomme bao ba bego ba se ba kolobetšwa ka tsela yeo ba ile ba swanelwa ke go tla gomme ba kolobetšwe gape pele ebile ba ka hwetša Moya wo Mokgethwa. O ka no itshwara boka o ne maatla a mantši. O swanetše go latela peakanyo ya Modimo ya go hlokamagomo. Yeo ke nnete tlwa. Go lokile.

<sup>154</sup> Tate, Morwa, le Moya wo Mokgethwa ke phošo. Bjale, go bareri ba basadi, mang kapa mang o a tseba seo ke phošo. Ge le sa tsebe go feta seo! Ke dumile ge nkabe ke na le nako go bala seo go tšwa go Segerika mo, se e se boletšego. O rile, “Ge basadi ba lena ba nyaka go tseba e ka ba eng, a nke ba botšiše bannabagatša ba bona, ka gobane go dihlong le bogoboga go mosadi ebile go bolela ka kerekeng.” Segerike se bolela seo, ke ra, Sehebere. “Bjalo ka ge molao gape o boletše, a nke ba homole le ka go ipea ka tlase go modiša (Le a bona?), ka gore ke sebe le bogoboga go mosadi go bolela ka kerekeng.” Nna, mang kapa mang o swanetše go tseba seo. Gomme bjale. . . Yeo tsela yohle go kgabola Mangwalo, le Timotheo, le Mangwalo a go fapanā, ke na le yona e ngwadilwe fase mo, ke Therešo. Go lokile.

<sup>155</sup> Bjale, gona gobaneng ba ne maatla? O re, “Gobaneng seo se dira?” Lebelela, ngwanešu, a nke ke go botšiše, goba kgaetšedi, e ka ba mang yo a botšišago potšišo ye, lebelela. Ke bone tše dingwe tša dikopano tše maatla kudukudu magareng ga Bomohammedan, ba goeletša, ba taboga, ba tsea thipa gomme ba e kitimiše thwi go otlologa go kgabola pelo ka mokgwa wo, gomme ba tšhela meetse go e kgabola ka morago, ba sepela go kgabola mollo ka maoto a bona a go ponoka, se sengwe le se sengwe gape ka mokgwa woo, ba robala godimo ga mepete ya dintsotsobidi, gomme—gomme ba tsea tšoša gomme ba e hlomela thwi ka molomong wa bona gomme ba e kitimiša thwi go phasola fase ka mokgwa woo—o ka kgona go e tsea ka bowena le go e gogela morago ntle, le madi godimo ga yona le se sengwe le se sengwe gape. Le se ke la bolela ka tsona dilo. Le a bona? Seo ga se Therešo; seo ga se hlatsele eng kapa eng. Le a bona? Jesu o rile. . . A nke ke le balele Mangwalo ke a ngwadilego fa, Mateo 7:21-23: “Ba bantši ba tla tla go Nna ka letšatši leo. . . E sego bohole ba rego, ‘Morena, Morena,’ ba tla tsena ka Mmušong, eupša ba ba dirago thato ya Tate wa Ka yo a lego Legodimong ba tla tsena ka gare. Ka gore ba bantši ba tla tla go Nna ka letšatši leo gomme ba re, ‘Morena, a ga ka rera Leineng la Gago. A ga ka lelekela bodiabolo ntle, le go profeta, le go dira dilo tšohle tše dingwe tše.’ O tla re, ‘Tlogang go Nna, lena badiri ba bokgopo, Nna ebile ga se ka ke ka le tseba.’” Le a bona?

<sup>156</sup> Kafao le se ke . . . Le a bona, Therešo e ka kgona feela go tla ka tsela e tee, ngwanešu. Bjale, ga ke bolele gore batho ba ba kolobetšago batho ka Leina la Jesu Kriste bohole ba ya heleng. Ga ke bolele seo. Modimo ke Moahlodi; a nke A dire e ka ba eng A dumago, eupša ga go Mangwalo a molao ka Beibeleng go e ka ba mang go kolobetšwa leineng la Tate, Morwa, le Moya wo Mokgethwa.

<sup>157</sup> Paulo o laetše yo mongwe le yo mongwe yo a kolobeditšwego ka tsela e ka ba efe ye nngwe ntle le Leina la Jesu go tla le go kolobetšwa godimo gape Leineng la Jesu, le go re, “Ge morongwa go tšwa Legodimong a etla le go rera thuto e ka ba efe ye nngwe (Bagalatia 1:8), a nke a be morogakwa.” Gomme Paulo o rile, “Bjalo ka ge ke boletše pele, kafao ke bolela gape, ge morongwa go tšwa Legodimong a ka rera e ka ba eng gape go lena, a a be morogakwa.”

<sup>158</sup> Bjale, seo se ka se kgone . . . O ka se kgone go dira senepša go betha fa le senepša se bethe fale. Tate, Morwa, le Moya wo Mokgethwa, ba re, “Ba tlogele ba sepele, ba lokile!” Gomme Leina la Jesu, a nke seo se ye gomme se re, “Ba lokile.” Go swanetše go ba se sengwe seo se swanetšego go betha gabotse. Modimo ga se mothomi wa tlhakatlhakano.

<sup>159</sup> Gomme o kitimiša seo go kgabola Beibele kae kapa kae o nyakago, gomme o tla hwetša gore ke kolobetšo ya maaka. Ka gona go ya morago go histori, le tlase ka go ngwagakgolo wa boselela ge Agtobus yo mogolo, ke a dumela e bile, yo a kolobeditšego goba yo mongwe wa . . . Nka se re e be e le Agtobus; ke lebetše leina la gagwe e be e le mang yo a kolobeditšwego . . . Ge le nyaka go e hwetša ka go—go *Ante Nicene Fathers* pele ga Ante—kopano ya Nicene, 325 A.D. ba be ba sa kolobetša Leineng la Morena Jesu. Gomme ge kereke ya Katoliki e etla ka maatleng ba topile leina la Tate, Morwa, le Moya wo Mokgethwa. Ga se gwa ke gwa tsoge nako e tee go tšwa morago kua, go bile e ka ba mang a kilego a kolobetša leineng la Tate, Morwa, Moya wo Mokgethwa. Ke motlwae wa Katoliki.

<sup>160</sup> Luther o tlišitše bontši bja yona ntle le yena. Wesley o tlišitše ka moka ga yona, gomme re sa ya go yona. Gomme katikasema ya Katoliki, ye e bitšwago *Tumelo ya Botate ba Rena*, ke a dumela ke yona, go letlakala la 144, ke a nagana ke lona, o rile—ba rile, “A maprotestant a itšego a tla phološwa?” O rile, “Mohlomongwe ba bangwe ba bona. Ba tleleima go phela ka Beibele, eupša ba sa tšea thuto ya Katoliki.” O rile, “Beibele, Makatoliki a pelepele, ba kolobeditše leineng la Tate—Leineng la Morena Jesu Kriste, eupša re tšere potego go seo le go e bea godimo ga Tate, Morwa, Moya wo Mokgethwa, gomme maprotestant ba a e lemoga.” O rile, “Mohlomongwe ba bangwe ba bona ba tla phološwa.” E sego ka seo ba ka se ke! Go lokile.

## 82. A go ne lefase la go feta le tee?

<sup>161</sup> Ee, go na le mafase a mafase, Bahebere tema ya 1 temana ya 2, Bahebere tema ya 11 le temana ya 3. Go na le mafase a mafase. Modimo o hlotše mafase, m-a-f-a-s-e, mafase.

### 83. A go ne legodimo la go feta le tee?

<sup>162</sup> Ee. Ka go ba Pele—ka go Bakorinthe ba Bobedi 12:3 Paulo o rile o tsebile monna yo a tšeetšwego godimo ka go Legodimo la boraro. Gomme godimo ka go Kutollo le go ya pele, go na le bontši go feta leo. Ke no ya go swanelo go itlhaganelo, gobane ke—thwi bjale go feta nako bakeng sa ka go tswalela. A go tla loka ge nka no bala ka moka ga tše go tloga le go no (go lokile!) go di swaya?

### 84. A lesea ka go Kriste le tla ya godimo ka go tlhatlogo?

<sup>163</sup> Ka nnete, ge a le lesea o tswetšwe gape. Ga go kgathale o moswa gakaakang, o tla ya godimo go le bjalo. Le a bona?

### 85. Gobaneng Kriste a bonagetše go nna bjalo ka ge ke be ke le kgauswi le go tsea Sakramente?

<sup>164</sup> Gabotse, ga go pelaelo pelo ya gago e be e no ba ka tšhune gomme o be o etla ka bokgethwa godimo go Modimo go e dira; gomme ke ka lebaka leo A bonagetšego go wena. Le a bona, leo e tla ba lebaka le nnoši ke le tsebago. Nka se kgone go bolela bontši go feta—go feta se seo . . . A re boneng.

### 86. Ge re phološitšwe pele ga moth- . . . (Oo, oo. Ga re nyake go ema fa a re a dira?) Ge re phološitšwe pele ga motheo wa lefase—a re be re le?

<sup>165</sup> Ee, mohlomphegi! Kutollo 13:8 e boletše gore o phološitšwe gomme leina la gago le beilwe ka Pukung ya Kwana ya Bophelo pele lefase le ka tsoge la hlolwa. Gomme Baefeso 1:4 le 5 . . . A nke ke no bala yeo; e ka se tšee eupša feela motsotsotso gomme feela gore le bone gore ga ke no—no e tsopola, ke—ke . . . Go lokile, ke renab; a re baleng se.

*A go šegofatšwe Modimo le Tate . . . (Baefeso tema ya 1 temana ya 3.)*

*A go šegofatšwe Modimo le Tatago Morena wa renar Jesu Kriste, yo a re šegofaditšego ka ditšhegofatšo tšohle tša semoya ka mafelong a magodimong ka go Kriste Jesu:*

*Go ya ka . . . (Theetšang!) . . . Go ya ka mo a re kgethilego ka go yena pele ga motheo wa lefase, gore re be ba bakgethwa le go hloka bosodi pele ga Gagwe . . . (Bjalo ka ge Kriste a re hwetše, ka nnete.)*

*Ka mo a re kgethetšegopele go ya ka go peo ya bana ka Jesu Kriste go Yenamong, go ya ka thato botse ya Gagwe mong.*

<sup>166</sup> Bjale, ka go Puku ya Kutollo . . . Ke na le yeo mo; a ke e hwetše thwi ka pela, gore le—le bone gore ke no se tsoge ka e breakanya, ke nyaka go e tsopola. Kutollo 13:8, theetšang se feels ka pela.

*Gomme bohole bao ba dutšego godimo ga lefase bao maina a bona—godimo ga lefase ba tla mo rapela, bao maina a bona a bego a se a ngwalwa ka pukung ya bophelo ya Kwana ye e hlabilwego pele ga motheo wa lefase. (Moo ke ge go bile. Go lokile.)*

### 87. A re be—a re be re le meboya nako yeo?

<sup>167</sup> Aowa, re be ebole re se selo nako yeo, eupša ka monaganong wa Modimo re be re le. Gomme O e boletše gomme ya diragala. Jesu o bolailwe pele . . . Ke ba bakae ba tsebago gore Beibele e ruta gore Jesu Kriste o be a le Kwana ye e hlabilwego pele ga motheo wa lefase. Gobaneng? Modimo o e boletše, gomme ge A e boletše, e be e lokile go swana le ge e fedile. Gomme ge A mpone, O go bone pele ga motheo wa lefase, re be re no ba diswantšho ka monaganong wa Gagwe. Ka gona ge re etla lefaseng, bobedi re be re le monna le mosadi, monna le mosadi. O arogantše moya wa bosadi go tloga go monna le go dira mosadi go tšwa go wona le go tlogela moya wa bona ka go monna.

<sup>168</sup> Ge o bona mosadi a dira boka monna, go ne se sengwe sa phošo. O bona monna a dira sesadi boka mosadi, go ne se sengwe sa phošo.

<sup>169</sup> Gomme ka gona O tšere go tšwa lehlakoreng la monna kgopo gomme a dira mothuši go tšwa go yena, gomme bona bobedi ke batee.

<sup>170</sup> Eupša pele ga motheo wa lefase maina a renā . . . Ge Kwana e hlabilwe, maina a renā a beilwe Pukung, ge ka monaganong wa Modimo mong O re bonepele le go re kgethelapele ka tsebelopele ya Gagwe pele ga motheo wa lefase. Oo, ngwanešu, ge seo se ka se dire kereke go emeleta le go kitima go kgabola mekgoba? Naganang ka yona. Lena ba le tswetšwego gape, pele ga motheo wa lefase, Modimo o beile leina la gago go Puku ya Kwana ya Bophelo. Kriste o hwile le go romela Moya wo Mokgethwa fa go le biletša go Bophelo bjo Bosafelego. O O amogetše; O go swaile. O fale go fihla letšatši la topollo ya gago. Haleluya!

<sup>171</sup> Bolela ka go swarelela. Ga se, ke a swarelela; ke, O ile a swarelela. Ga se se ke se dirilego; ke se A se dirilego. Ga se, “Ke tlogela go kgoga; ke tlogela go aketša; ke tlogela go utswa;” ke O nkhwetše. Gomme O tšere moya wa ka go tšwa go nna le go mphetola ka go sebopiwa se seswa.

Bjale potšišo ya go latela thwi ka tlase ga yeo ke . . . Ka pela bjale gore re e hwetše.

### 88. Ke phapano efe e lego magareng ga mmele, soulo, le moyā?

Mmele ke nama ye o e lebelelago; ye e swanetše go bola. E tswetšwe ka kganyogo ya thobalano ya tate le mme. E swanetše

go bola. Ga ya loka. Kagona, ka go tswalo ye mpsha, ka go tsogo ge—ge o tlišwa pele gape ka go mmele wo moswa, e tla ba maatla a go hlola a Modimo ao a tla bolelago boka A dirile go Adama gomme o tla tla pele.

Jobo o rile, “Ke tla ba le tlhogel. O tla bolela gomme ke tla Mo araba.” Le a bona? Bjale, mmele ke se o se lebelelago, moy a ke wona o go laalago, soulo ya gago ke maikaelelo a moy a woo, goba tlhago ya moy a woo. “Soulo ye e dirago sebe, soulo yeo e tla hwa.” O tswetšwe lefaseng ka soulo ya sebe. Ke gore, tlhago ya moy a wa gago ke ya sebe. O hlhogela dilo tša lefase. Ka gona Moya wo Mokgethwa o tla fase le go go kolobetša le go fetola tlhago ya moy a woo. Ka gona tlhago ye e šetšego godimo ga gago ke ya Legodimo. Ka gona o bolela gore o moeti le mosetsebje. Ka gona o tswalwa go tšwa godimo. O tšwa godimo, o molokelwa wa Legodimo, o sebopiwa se seswa ka go Kriste Jesu, ka mmele wa go swana, ka moy a wa go swana, feela o fetogile.

Gomme wena o, goba, tlhago ya gago ya moy a woo e fetolwa go tšwa go go se loke go ya go toko. Yeo ke soulo, mmele, le moy a.

### **88b. Ngwanešu Branham, a motho e ka ba mang a ka dira mediro ya Kriste ntle le ge a be a le Kriste?**

Aowa. Bjale, wena, a o ra, motho morategi, gore . . . ? A ke bale yeo gape.

### **A motho e ka ba mang a ka kgona go dira mediro ya Kriste ntle le ge a be a le Kriste?**

Seo ke se e lego sona, “Ntle le ge a be a le Kriste?” Nnete. A re tšeeng Mokgethwa Johane, motsotsa feela. Mokgethwa Johane te—te tema ya 14 gomme ke nyaka le lebelele se, bjale, ge le ka se swara thwi ka pela, gore le . . . Mokgethwa Johane 14:12, ke a dumela ke yona.

Re tla e hwetša thwi ka pela, le go lebelela se Jesu a se boletšego ka se. Go lokile, “Ruri, ruri, Ke re go lena, O . . .” e ka ba mang a lego, “Yo a dumelago go nna, mediro ye Ke e dirago o tla e dira le yena.” Motho e ka ba mang, ge . . . Motho yenamong a ka se be Kriste, eupša mediro ya Kriste e tla latela modumedi yo mongwe le yo mongwe. Le a bona? O tla dira mediro ya Kriste ka go motho e ka ba mang. “Yo a dumelago ka go Nna, mediro ye Ke e dirago, o tla e dira.” E sego, “Ke tla dira,” “o tla dira, o tla dira,” e sego, “Nna.” “Eupša o dumela go Nna gomme o ipoletše tumelo ya gagwe go Nna gomme o hwile ntle go yenamong gomme Moya wa Ka o dula ka go yena gomme o ba karolo ya Ka.”

Bjale seo ga se mo dire Kriste. Se mo dira karolo ya Kriste le Kereke ka moka. Go lokile. Yena ga se Kriste, gobane seo e tla ba molwa le Kriste, le a bona. O tla be a tše go tloga go Kriste. Eupša a ka kgona go ba, a dira mediro ya Kriste, modumedi e ka ba ofe. Go lokile.

**88c. Re a tseba gore Moya wo Mokgethwa wa go šegofala ga se wa fiwa go dipoeletšo tsa lefeela ka go beeng Mangwalo a Makgethwa, kafao hle mpotše gobaneng lentšu *Moya wo Mokgethwa* le šomišwa dinako tše dingwe, gomme lentšu *Moya wo Mokgethwa* le šomišwa ka dinako tše dingwe. Ke a tseba gore go na le lebaka la boleng ka... lebaka la se gomme ke tla rata go tseba gobaneng.**

Ke lentšu la go swana mong. Moya le moya ke sona selo sa go swana. Moya goba moya, ga go tshwenye; e no swana, go swana seng. Go lokile. Bjale re ya thwi tlase go leba botlase, bjale.

#### **88d. Pilara yela ya Mollo ke eng le wena?**

Yeo ke ye kaone! Kriste! Moya wo Mokgethwa! Ga o ne nna feela, O ne lena. O nno bonagala fale. Ge Beibele e ruta gore bana ba Israele ba tlišitšwe ka ntle ga Egepeta, go diregile eng? Go be go le Pilara ya Mollo ye e ba latetšego. E be e se bana ba Israele bao ba dirilego mohlololo, e be e le Pilara ya Mollo yeo e ba latetšego. A yeo ke nnete? Ke ba bakae ba tsebago gore yoo e be e le Morongwa wa Kgwerano, Logos? Gobaneng, nnete, re a tseba e be e le Morongwa wa Kgwerano. Go lokile. Yoo e be e le Kriste. Moshe o ile a sema mahumo a Kriste mahumo a magolwane go feta ao... mahumo a Egepeta. A yeo ke therešo? Go lokile.

Gona yoo e be e le Kriste, Logos, Naledi ya Moso, Alefa, Omega. O tlide lefaseng. O bonwe makga a mantši. Gomme—gomme ka go se re ka se bitšago, ke a thankia, theophany. Seo se be se le morago ka go kgwerano ya pelepele moo ba bonego Ye ka sebopego sa motho. Eupša O dirilwe nama le go dula magareng ga rena, gomme bottlalo bja Modimo bo dutše ka go Yena. Go lokile. Ka gona O rile, “Lebakana le lennyane gomme lefase le ka se Mpone gape. Efela le tla Mpona gobane Ke tla ba le lena...” A yeo ke nnete? “go fihla bofelong bja lefase. Ke tšwa...” Eng? “Modimo; Ke ya go Modimo.” A yeo ke nnete? Morago O tlide go tšwa (Eng?) Pilara ya Mollo. A yeo ke nnete? Ka gona O boetše go (Eng?) Pilara ya Mollo.

Ge Paulo a be a le tseleng ya gagwe go theogela Damaseko Pilara yela ya Mollo e kopane le yena le go mo ratha a foufala. A yeo ke nnete? Gomme O rile “Saulo, Saulo, gobaneng o Ntlhomere?”

O rile, “Morena...” Ge o ka ela hloko, tlhakakgolo *M* yela e ra “Elohim.” “Morena, Wena o Mang?”

O rile, “Ke nna Jesu.” Pilara ya Mollo.

Gomme Yena šo mo matšatšing a mafelelo feela pele ga ponagalo ya Gagwe ye e bonagalago, a romela pele Moya wa Gagwe o laola kudu le kgontha kudu go fihla ba tšere seswantšho sa Wona. Šo O tla ka kerekeng, o ka kgona go e dira thwi bjale, ka thušo ya Moya wo Mokgethwa, go ka se kgone go ba le sephiri pelong ya gago eupša se O kgonago go se utolla. Beibele e rile, Bahebereg tema ya 4, gore Lentšu la Modimo; Jesu ke Lentšu.

“Mathomong go be go le Lentšu, gomme Lentšu le be le le go Modimo gomme Lentšu la dirwa nama gomme la dula magareng ga rena.” A yeo ke nnete? “Gomme Lentšu le bogajana go feta tšoša e ka ba efe ya magalemabedi. Ya . . . Le a phela le maatla go feta tšoša ya magalemabedi, le phuleletša go kgabola lerapo, ka go moko wa lerapo, le Moftleki wa megopolو ya pelo.”

Šeo yona. Ga se nna. Ga se wena. Ke Yena. Yeo ke Pilara ya Mollo ye e latelago. Ke Moya wo Mokgethwa; Morena wa Legodimo; Logos; Jesu Kriste; Alefa, Omega; Yo a bego a le gona, yo a lego gona, gomme a tla tlago; Modu le Lehlogedi la Dafida; Naledi ya Moso; KE NNA; Tate, Morwa, Moya wo Mokgethwa; Moeletsi; Mokgoma wa Khutšo; Modimo yo Maatla; Tate wa ka Gosafelego; Semaka. Yoo ke Yena. O ka se hwetše dithaetlele tša go lekanelo go Mmotša . . . Leina la Gagwe.

Ke tla hlaganelo go ye, ye ke yona ye kgolo yela.

#### **89. Ngwanešu Branham: A ka kgopelo o ka hlaloša teori ya gago gore Efa o imile Kaine ka diabolo?**

<sup>172</sup> Ga se ka tsoge ka bolela seo; ke rile Efa o imile Kaine ka sephente.

**Ka go Genesi 4:ya 1, temana ya 1, go hlaka e bolela gore, “Adama o tsebile mosadimogatša wa gagwe Efa; gomme a ima, gomme a belega Kaine, gomme o rile, ‘Ke hweditše motho go tšwa go Modimo.’”**

Ka go felela! Bophelo bjhohle bo swanetše go tšwa go Modimo. John Dillinger o tšwa go Modimo. Adolf Hitler o tšwa go Modimo. Yo mongwe le yo mongwe . . . George—George Whitefield o tšwa go Modimo, gomme kafao le Bob Ingersol. Motho yo mongwe le yo mongwe o tšwa go Modimo.

<sup>173</sup> Eupša se ke se boletšego ke se: Gomme ke nyaka yo mongwe go no e kgeilela fase. Le a bona? Beibele e boletše gore O tla bea (ka go Genesi 3:8). Ke . . . Mo . . . Ge potšišo e botšišitšwe ge Efa a bile—se sengwe se mo diragaletše, o kopane le sephente . . . Bjale sephente e be e se noga; o be a le sebata, bohlale kudukudu go se sengwe le se sengwe ka tšhemong. Go be go se selo . . .

<sup>174</sup> Lehono saense e lebeletše lerapo la phoofolo ye e kopanyago motho le kgabo mmogo. Bokgauswiuswi ba nago ke tšimpanse. Ga ba kgone go hwetše lerapo. Ba ka se tsoge, gobane ke sephente. Ke kutollo ya Modimo.

<sup>175</sup> Šetšang! Sephente e be e le—boka motho wa pele ga histori, se sengwe go latela go Modimo—goba go latela go motho. Gomme seo ke selo se nnosi. Ge phoofolo e ka ba efe ye nngwe e ka be e diregile go—Sathane a ka be a ile go bona, peu e ka be e se ya hlakana le mosadi. O ka se kgone go hlakanya peu ya motho le mohuta ofe wa peu ya phoofolo. E ka se šome. Eupša phoofolo ye e tla hlakanyago peu e feletše—e fedišitšwe. Modimo o mo retolletše go ba noga. Eupša elelwang ge . . .

O rile, “Gobaneng o iphihlile? Gobaneng o ikhupeditše wenamong ka mahlare a mogo?”

Ka gona ba thoma go kgasetšana bjalo ka ge sešole se le. “Gabotse,” Adama o rile, “mosadi yo O mphilego o nkgokeditše go tšea kenywa.”

<sup>176</sup> Gomme mosadi o rile, “Sephente e mphorile.” Bjale, *go fora* go ra eng? “O—o mphorile.”

<sup>177</sup> Gomme Modimo o rile, “Ke tla bea bonaba gare ga peu ya gago le peu ya sephente.” Peu! Sephente e bile le peu ya tlhago, gomme e tlide ka Kaine. Ka Kaine go tla ditswerere tšohle, batho ba go rutega tlase pele ga meetsefula. Gomme ka morago ga fao go tla Abele yo a bolailwego, gomme Sethe o tsošitše lefelong la gagwe go emela lehu, poloko, le tsogo ya Jesu. Gomme go tšwa go yena go tla batho ba go kokobela, badišadinku le go ya pele, eupša batho ba go boifa Modimo. Gomme Jesu o rile bana ba lefase le ke ba bohlalehlale, ditswerere, go feta bana ba Mmušo. Yeo ke mnete!

<sup>178</sup> Re ka se kgone go bapela le bona. O se ke wa leka go ipea ka bowena godimo go swana le bona. Ikokobetše ka bowena pele ga Modimo. O se ke wa duma go ba yo setswerere le yo bohlale. E no kganyoga go tseba Jesu le go e tlogela e nnoši, ka gore fao go robetše peu ya sephente lehono. Gomme batho ba itheta ka gobane borasaense, le banna ba ditswerere, le dirutegi, le baithuti ba bagolo ke ba dikereke tša bona. Bokaone ke be le monna yoo ka kgonthe a tsebilego Modimo ge a ka be a sa tsebe boABC ba gagwe go ba wa kereke ya ka (nnete!) ge feela a le peu ya Kriste.

<sup>179</sup> Peu ya mosadi, Peu ya mosadi e bego e le Kriste. Maria o tlišitše pele Kriste. Gomme peu ya sephente e bego e le Kaine e etla fase go Judase Iskariote. Go bile bobedi Jesu le Judase ba apere nama thwi fale, Modimo le diabolo. Godimo ga sefapano sa Khalibari fao go be go le batho ba bane ba ehwa. Go be go na le lehodu ka lehlakoreng le lengwe le le lengwe la Jesu, gomme Judase o itekeleditše yenamong godimo ga mohlare wa mosekamoro, e lego sefapano: “Morogakwa ke yoo a lekeletšego mohlareng.”

Go bile le lehodu le tee le rilego, “*Ge O le Morwa wa Modimo, re fološe.*”

<sup>180</sup> Yo mongwe o rile, “Morena, re dira ka tshwanelo, re a otlwa, eupša ga se O dire selo. Nkgopole ge O etla ka Mmušong wa Gago.”

Jesu o rile, “Lehono o tla ba le Nna ka paradeising.”

<sup>181</sup> Fao go be go le mo—Jesu, moreri wa Ebangedi, a rera sefapanong. Fao go be go le Sathane a eya morago heleng, a tšea le yena peu ya sephente, mosedumele. Go be go le Modimo a eya

morago Legodimong a tšea le Yena modiradibe yo a sokologilego, peu ya mosadi. Nnete!

<sup>182</sup> E be e se peu ya diabolo; e be e le peu ya sephente. Gomme sephente e bile le peu; Beibele e rile e bile le peu. Gomme e sa le gona lehono, peu ya sephente. Bontši kudu . . .

Bjale, le ka mpotšiša potšišo ye nngwe ka seo. Ge re ka be re be re na le nako, ke na le mantšu ohle a lena, gomme . . .

#### 90. A ka kgopelo o ka hlaloša se e se rago ka, “Ga a dire sebe” ka go Johane wa Pele 5:18?

Nna, re thwi go yona, ke a dumela mo. Mohlomongwe e . . . Ke e hweditše; ke phetile thwi go otlologa go yona. Mohlomongwe Morena o be a nnyaka ke e bale. Go lokile, Johane wa Pele,

*Re a tseba gore mang le mang a tswetšwego ke Modimo  
ga a dire sebe; . . .*

<sup>183</sup> Nnete aowa! Ke nno ya go kgabola seo. A ka se kgone go dira sebe; o tswetšwe ke Modimo. “Ga a dire sebe,” ga a kgone go dira sebe, peu e dula ka go yena. Lengwalo le lengwe o ka šupago go lona fa e tla ba Baroma 4:8, 4 gomme 5-8 moo Modimo . . . Dafida o boletše, a ke re, mengwaga ya go feta gomme o rile, “Mošegofatšwa ke monna yo Modimo a ka se mmalelego sebe.” Le a bona? Gomme nnete, ga a dire sebe.

Bjale, re na le letee gape gomme ka gona yeo ke phetho.

#### 91. Mat- . . . (A re boneng.) Ngwanešu Bill, phapano ke eng magareng ga bohlotlolo le bootswa, Mateo 19:9?

<sup>184</sup> Jesu o boletše ka go Mateo 19:9, “Mang le mang a hlalago mosadimogatša wa gagwe gomme a nyala yo mongwe, ntle le ge e le bakeng sa bohlotlolo, o dira bootswa.” Phapano gare ga bohlotlolo le bootswa, lentšu le ka kgona go dirišwa ka tsela ye nngwe le ye nngwe. Eupša go e dira e kwagale se a bego a bolela ka sona fale, gore—gore mosadi yoo a sa nyalwago a ka se dire bootswa, gobane ga a ne monna go dira bootswa kgahlanong le yena. Ke go se hlweke go yena. O swanetše go ipolela seo go monnamogatša wa gagwe pele ba nyalana ge a dirile seo. Ge go se gomme monnamogatša wa gagwe a e hwetša moragwana, o ne tokelo go mo tlogela, gobane o tšere keno ya maaka. Ka gore Beibele e rile, “A go be gabotse . . .” goba tirelo e a bolela. “A go tsebje gabotse go lena (Ke na le yona ka go ya ka) ge banyalani e ka ba bafe ba tšoena ka mokgwa wo mongwe ntle le ge Lentšu la Modimo le dumelala, lenyalo la bona ga se la molao. Ke tla nyaka gomme ke tla laela lena bobedi bjalo ka ge ka kgonthe le tla arabela mo letšatšing la kahlolo ge diphiiri tša dipelo tšohle di tla senolwa, ge eba e ka ba ofe wa lena a tseba tšhitšišo e ka ba efe gobaneng le se la swanela go gahlanywa mmogo ka semolao, a bjale le a e bolela.” Ke lena bao. Le a bona?

<sup>185</sup> Kafao bohlotlolo ke se mosetsana, ge a phela gosehlweke, bjoo ke bohlotlolo, gobane ga a ne monnamogatš. Eupša ge a

nyetšwe, gomme ka gona ge a phela ka mokgwa woo, o dira bootswa kgahlanong le monnamogatša wa gagwe.

<sup>186</sup> Mosadi o tlie e sego telele go fetile, gomme o rile, “Oo, ke ipoletše tšohle tše.” O be a tšhogile, gomme o bile le go phuhlama, gomme o rile, “Ke ipoletše tšohle tše go Modimo.”

<sup>187</sup> Ke rile, “O swanetše go ipolela yona go monnamogatša wa gago. E be e se Modimo yo o dirilego bootswa kgahlanong le yena; e be e le monnamogatša wa gago.” Yeo ke thereso.

<sup>188</sup> Gomme ge monna a nyala mosadi gomme o phetše gosehlweke pele a mo nyala, gomme ka gona o tla go yena, ge ba nyetšwe botelele bjalo, gomme ka gona o tla go yena gomme a re, “Hani, ke nyaka go go botša se sengwe. Ke kitimile le monna yo mongwe, ga se ka ke ka go botša,” Jesu o rile o na le tokelo go mo tlogela le go nyala yo mongwe, gobane ga se ba nyala mo mathomong, gobane ka maaka o boletše ma—ma maaka kgahlanong le yena.

Bjale, go na le selo se sengwe mo . . . Ke a go leboga.

## 92. Hle hlaloša Johane wa Pele 5:16.

Johane wa Pele 5, re e swere thwi fa.

*Ge motho e ka ba mang a bona ngwanešu a dira sebe seba sa go se iša lehung, o tla kgopela, gomme o tla mo fa bophelo bakeng sa bona bao ba sa dirago sebe sa go iša lehung. Go na le sebe sa go iša lehung: ga ke bolele gore o tla rapelela sebe seo.*

<sup>189</sup> Go lokile. Re a ya . . . A re nong go e tšeа thwi morago le go e hwetša thwi ka pela, ye ke ya mafelelo. A re phetleng thwi godimo go Mareka, gomme ye e tla no e hlaloša tlwa se sebe sel a sa go iša lehung se lego. Go na le sebe sa go iša lehung, gomme ebile ga o rapelele sebe seo. Ke ba bakae ba tsebago gore go na le sebe sa go iša lehung. Ebile ga o se rapelele. Tšeang Mareka, tema ya 3 ya Mareka. Gomme ka morago ga ge re hweditše tema ya 3 ya Mareka, gona ka pela re tla ba le Lengwalo le letee le pele ga go tswalela. A re yeng go 3 le 22.

*Gomme bamangwalo ba ba tlidego tlase go tšwa Jerusalema ba rile, O na le Beletsebubu, . . . (Ba Mmone a hlatha dikgopololo tša batho.) . . . gomme ba rile, O na le Beletsebubu, gomme ka mokgoma wa bodiabolo o lelekela bodiabolo ntle.*

*Gomme o ba bileditše go yena, gomme o rile go—go bona ka seswantšho, Sathane a ka kgona bjang go lelekela Sathane ntle? . . . (Bjale, ge diabolo a kgona go fodiša, a ka kgona bjang go e dira?) . . . Sathane a ka kgona bjang go lelekela Sathane ntle?*

*. . . ge mmušo o arogana kgahlanong le wonamong, mmušo wola o ka se eme.*

*Gomme ge ngwako o arogana kgahlanong le wonamong, ngwako woo ga o kgone go ema.*

*Gomme ge Nna... Gomme ge Sathane a tsoga kgahlanong le yenamong, gomme a arogana, a ka se kgone go ema, eupša o ne bofelo.*

*Ga go motho a ka kgonago go tsena ka ntlong ya monna yo maatla, le go senya dithoto tša gagwe, ntle le ge pele a ka mo tlema—monna yo maatla; gomme morago o tla senya dithoto tša gagwe.*

A ka kgora bjang go ya ntle ka kua, ka go tšona dipelo le go hwetša se... (Le a bona?) ntle le ge e le ya Modimo?

*Ruri Ke re go lena, Sebe sohle se tla lebalelw go... barwa ba motho, le maroga ao ka wona... ba—e ka ba mang—e ka ba mang ba tla mo rogakago:*

*Eupša yo a tla rogakago kgahlanong le Moya wo Mokgethwa ga se a tsoge a lebalelw, eupša o kotsing ya tshenyego ya gosafelego: (Yeo ke karogano!)*

*Gobane... (Gobaneng A e boletše?)... Gobane ba rile, O ne moya wa ditšhila.*

<sup>190</sup> Go bitša Moya wa Modimo woo o bego o dira mehlolo ye ka go Kriste, ba rile e be e le moyo wa diabolo o dira seo; Jesu o rile ke sebe sa go se lebalelw. Gomme ge o bona monna... Rapela—o se ke wa mo rapelela ge a dira metlae ka Moya wo Mokgethwa le go bolela kgahlanong le Moya wo Mokgethwa, o ganetšwa ebile go rapelela motho yo bjalo. Le a e kwešiša? Gobane go ne sebe sa go iša lehung. Go ne sebe se tee feela. Jesu o rile mokgwa wohle wa sebe o tla lebalelw barwa ba motho, eupša go rogaka Moya wo Mokgethwa o ka se lebalelw.

<sup>191</sup> Bjale batho ba re, “Gabotse, go rogaka Moya wo Mokgethwa, ...” Go rogaka ke eng? Go ra “go bolela ka, go nyefola, go dira metlae, go rogaka.” Go lokile!

<sup>192</sup> Ba Mo rogakile eng? Go bolela gore Moya wo Mokgethwa wo o bego o le ka go Yena, go Mo dira a dire le go dira dilo tše A bego a di dira, ba rile, “O swerwe ke Beletsebubu, diabolo. Gomme yoo ke diabolo, mmolelelamahlatse ka go Yena go Mo dira a dire dilo tše. Go boneng diphiri ka pelong ya batho, le go botša Filipi O tsebile mo a bego a le gona pele a etla kopanong, le go lelekela bodiabolo ntle, le go dira dilo tše kua, O e dira ka Beletsebubu, gomme Yena ke diabolo.” Gomme Jesu o boletše gore sebe se ka se tsoge sa lebalelw, kafao seo ke sebe sa go se lebalelw se ka se tsoge sa rapelelw. Se ka se tsoge sa lebalelw. Monna le mosadi ba ba dirago seo ba tswaleletšwe ka gosafelego go tloga Bogeneng bja Modimo go ya go ile le go ya go ile, ga go tebalelo.

A le a Mo rata?

Ke a Mo rata, ke a Mo rata,  
 Gobane O nthatile pele,  
 Gomme a lefela phološo ya ka  
 Godimo ga mohlare wa Khalibari.

<sup>193</sup> Theetšang, le bile ba bakaone kudu, gomme tše di bile makgwakgwa, gomme di bile nako ye telele. Bjale le be le dutše ka kerekeng ye ge e sa le masometharo a šupa, seswai masometharo, masometharo a senyane, Diiri tše pedi le seripa, le dutše ka kerekeng ye ya go fiša. Ga se le dire seo go no ba le dutše fale. Gomme ke a thanka masomesenyane seswai goba masomesenyane senyane a phesente a phuthego e kgomaretše thwi ka setulong sa bona go tloga nako yela. Ke nyaka go bolela se: Jeffersonville, ke ikwela se; gore e dirile sebe go tloga letšatši yona la mogau. Ke dira, seo. Ke a dumela United States ka moka e dirile, eupša ke na le ba bangwe ba bagwera ba go botega kudukudu ba ba lego lefaseng thwi mo ka Jeffersonville. Ke na le batho mo ba ba tla hwago ka nna.

<sup>194</sup> Bjale, bošego bja go fiša boka bjo, basetsebje ba ba lego ka dikgorong tša rena, mpotšeng moo motho a tla dulago feela go dula go kwa motho, mohlomongwe, go boleleng ka Mangwalo gore ebile ga ba dumele ka tsela ye ke tla e hlathollago, eupša ba hlompha le bomodimo go lekanelo go dula le go e theetša. Botelele a nke le phele; ge dinaledi di fetoga lerole, a nke le phele go pele ka go Kriste Jesu. A nke Modimo a neele se sengwe le se sengwe seo le se hlokago. A nke A le fe tlhologelo ya pelo ya lena. Ge le ntumela go ba mohlanka wa Gagwe le go dumela gore dithapelo tša ka di tla le thuša, a nke Modimo wa Legodimo, Yo a tsošitšego Morwa wa Gagwe, Jesu Kriste, go ba Seloba sa dibe tša rena, go hwa legatong la rena, a nke Yena Yo e lego mokgonatšohle, Yena Yo e lego motlalagohle, mo ka moagong wo bjale, a nke A le fe tlhologelo ya pelo ya lena, ke thapelo ya ka ya tlhokafalo bakeng sa yo mongwe le yo mongwe wa lena. Gomme ka Nageng moo letšatši le ka se tsogego la bonega go lena gape go le tshuma, moo diphefo tša go fiša di ka se tsogego tša tšutla, ke holofela go ba le mengwaga atiša ka dimilione tša mengwaga go dula le yo mongwe le yo mongwe wa lena ka Mmušong wa Modimo, le go bolela godimo ga dilo tša Gosafelego tša bošego bjo, le dilo, ka fao re dutšego mmogo. Ke ra seo ka tšohle tše di lego ka go nna, pelo ya ka yohle. Ke rapela gore Modimo o tla fa seo go lena, yo mongwe le yo mongwe.

<sup>195</sup> A nke mogau wa Gagwe o be le lena. A nke A le fodiše go bolwetši bja lena. A nke A le fe kolobetšo ya Moya wo Mokgethwa. Gomme ke bolela se bjale ntle le go hlaola go itšego, ntle le... Ge ke tlišitše sekgoro e ka ba sefe go e ka ba eng yeo ke e boletšego ka peu ya sephente, kolobetšo Leineng la Jesu, yeo dilo tšela...

<sup>196</sup> Bjale yo mongwe o re, "Ngwanešu Branham ke mooneness." Aowa, mohlomphegi, ga ke mooneness. Ga ke dumele gore Jesu

a ka kgona go ba tate wa Gagwe mong. Ke a dumela gore Jesu o bile le Tate, gomme yoo e be e le Modimo. Eupša Modimo o dutše le go dira madulo ka mmeleng wo o bitšwago Jesu, gomme O be a le Imanuele, Modimo le rena. Gomme ga go Modimo yo mongwe ntle le Modimo yo. Yena ke Tate, Morwa, le Moya wo Mokgethwa. Gomme Leina la Tate, Morwa, Moya wo Mokgethwa: *Tate, Morena; Morwa, Jesu; Moya wo Mokgethwa, Logos, Moya wa Modimo. Tate, Morwa, Moya wo Mokgethwa: Morena Jesu Kriste; yoo ke Yena.* Gomme ka go Yena go dutše botlalo bja Modimohlogo mmeleng.

<sup>197</sup> Gomme ke a dumela ntle le morithi o tee wa pelaelo, go go rata, gomme ga go kgathale ge o šetše o kolobeditšwe Leineng la Tate, Morwa, Moya wo Mokgethwa, o fafaditšwe, o tšhetšwe, e ka ba eng o ratago, ke rapela Modimo ka soulo le mmele wa ka ka moka gore wena le nna re tla kopana ka Mmušong wa Modimo, gomme Modimo o tla, ge ke le phošo, ke tla hlokomologa ya ka, ge o le phošo hlokomologa ya gago. Eupša ka go—ka diphenyego tša ka mong tša Lengwalo go leka go dira senepša go betha go ba go tloga go Genesi go ya go Kutollo, Ke le laela go kolobetšwa gape Leineng la Jesu Kriste ge o se wa e dira.

<sup>198</sup> Gomme ge o se wa amogela Moya wo Mokgethwa, gomme bophelo bja gago ga bo ikwele bose, ga go kgathale ge o boletše ka maleme, ge o goleditše, ge o tabogetše godimo le fase, ge o beile diatla go balwetši gomme ba welwa ke maruru, ge o dirile mehuta yohle ya mehlolo le maswao, ge o se ne dikenya tša Moya wa lerato, thabo, khutšo, pelofalo, bobotse, bonolo, boleta, kgotlelelo, tumelo le dilo tšohle tše ka go wena, gona ke a go laela le go go gapeletša Leineng la Jesu Kriste go se kgaotše go rapela go fihla Moya wo Mokgethwa o etla godimo ga gago! Ga go kgathale gore o boletše ka maleme ga kaakang, o goleditše ga kaakang, o bile leloko la kereke botelele gakaakang, ge o ka be o be o le fa, se sohle o se dirilego se ka se be le selo go dira le yona go fihlela Kriste, Moya wo Mokgethwa, a tšeа lefelo la Gagwe ka pelong ya gago gomme o hwile go dilo tša lefase le go phela leswa go Kriste.

<sup>199</sup> Modimo a le šegofatše ke thapelo ya ka. A re emeng bjale ka maoto a rena. Oo, ye ke phuthego ye botse. Le bile go loka kudu; ke no hloya go le tlogela le eme ka mokgwa wo.

[Ngwanešu o bolela le Ngwanešu Branham—Mor.] Edith yo monnyane morago kua o na le letšatši la matswalo. Edith, a nka kgona go bala ya gago... Ke ya go dira Ngwanešu Neville a bee tše ka gare bakeng sa gago. (E no tla mo.) Re tla hwetsa mohumagadi yo moswa yo a godile bokaakang. [Ngwanešu Neville o re, “Masometharo seswai.”] Bogolo bja mengwaga ye masometharo seswai. Modimo a go šegofatše. David, re fe... Ke ra, Teddy, re fe khote ye nnyane, *Letšatši La Lethabo La Matswalo Go Wena*, go lokile, ge o rata.

Letšatši la matswalo la lethabo go wena;  
 Letšatši la matswalo la lethabo go wena;  
 Letšatši la matswalo la lethabo, Kgaetšedi  
     Edith;  
 Letšatši la matswalo la lethabo go wena.

Bjale, phuthego ye yohle e tšoena ka gare mmogo, *Re Ka Se Tsoge Ra Tšofala*. Etlang pele, bohle mmogo bjale.

Re ka se tsoge ra tšofala, re ka se tsogego ra tšofala,  
 Ka Nageng moo re ka se tsogego ra tšofala;  
 Re ka se tsoge ra tšofala, moo re ka se tsogego  
     ra tšofala,  
 Ka Nageng moo re ka se tsogego ra tšofala, ra  
     se tsogego ra tšofala.

Monateng . . .  
 Re tla kopana ka lebopong le lebotse lela;  
 Monateng pele le pele,  
 Re tla kopana ka lebopong le lebotse lela.

Le a Mo rata? Oo, O a makatša. Feela gabotse kudu, go loka kudu.

Go na le go gafela ga lesea go gonyane?



*DIPOTŠIŠO LE DIKARABO* NST59-0628E  
(Questions and Answers)

SERISI KA BOITSHWARO, TSHEPEDIŠO LE THUTO YA KEREKE

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, June 28, 1959, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)